


**BZ**  
**5572**



CANTONALE ET  
BIBLIOTHÈQUE  
UNIVERSITAIRE  
DE LAUSANNE

EX DONO

Henri  
MEYLAN

51451 1978

243506



Berner Synodus :

Ordnung wie sich die Pfarzer  
vnd Prediger zu Statt vnd Land Bern / in  
leer vnd leben / halten sollen / mit wyterem Bericht von  
Christo / vnd den Sacramenten / beschlossen  
im Synodo daselbst versamlet /  
am. 9. tag Januarij.

Im. M. D. XXXII. B2 5572



Ob wir ouch Christum nach dem fleisch kennt habend / so kennend wir  
jn doch der massen nit meer. 2. Cor. 5.

Wieder von neuem aufgelegt 1728.





**I**n der Schultheiß / klein  
vnd groß Rhadt / genant  
die zwenhundert der Bur-  
geren zu Bern / Entbie-  
tend allen vnd yeden vn-  
seren Pfarrerren / vnnnd  
Predicanten / so in vnse-  
ren Landen vnd gebieten wonhafft / vnd mit  
dienst des Worts Gottes vns vnd den vnseren  
vorstan / vnseren günstigen gruß / vnnnd alles  
guts zuvor / und thun ouch hiemit zu wuß-  
sen.

Nach dem wir das Babstumb sampt  
im falschen vertrauen vnnnd mißglauben ab-  
erkant / vnd das heilig Evangelium für vns  
vnnnd vnser vnderthanen zu Statt vnd Land

vor vier jaren nächst versöhnen / vff erhalte-  
ne Disputation angenommen / und als ande-  
re burgerliche Sakungen vnd Landrecht / in  
leer vnd leben durch göttliche hilff zu halten /  
mit herzk vnd mund / vnd vfferhabnen Eyden  
geschworen. Welches in rechter übung nit syn  
vnd blyben mag / es sy dann / daß jr die Diener  
der Gmeynden / als ein guter Brunn / gesunde  
geistliche leer / vnd ein frumm besserlich leben  
dem voldt / so dürstig gegen der gerechtigkeit  
herfür bringen. Sölichs zu fürdren / wir al-  
lerley ordnung vnd Sakung üch die seelsor-  
ger belangend vnser Reformation ingelybt /  
vnd sunst ätoren Synodis vnd versamlun-  
gen / haben fürtragen lassen. So befinden wir  
dennoch vil grosses geprestens an üch in leer  
vnd leben. Da durch Gottes eer vnd alle  
frummkheit vnd erbarkeit by den vnderthanen  
schwärlich verhindert ir wasen vnd wol-  
stand sich ergert / vnd über vns vnd das voldt  
der



der zorn Gottes gehuffet wirt. Da durch  
dann das heilig Euangelium vnserthals nit  
vnbillichen von denen die vskwendig syn ver-  
lestret wirt/ die das Sigill der warhent / das  
ist/ zucht vnd herckliche frummkeyt/ by den  
zuhörern vnsern vnderthanen nit vil spf-  
ren. Welches wir billigen zu gemüß geführt/  
vnd zu bedenden genommen. Dieweil wir  
großer Gottesforcht/ besserung deß lebens/ tu-  
gend:n vnd erbarkeyt / vnd alles gutens by  
inen beyden / ſich den seelsorgeren / vnd dem  
gemeynen mann/ vil meer verhofften / weder  
wir leyder biß her befunden / vnd sich heyter  
erduget / fürnämlich nach vnser nechst ge-  
haltner vnruht / da habend wir / ob wirs  
schon nit wußten / schynbarlich gesehen /  
was vnrats / vnd böser sitten die zwoeyspal-  
tung geboren / vnd wie wenig Christen-  
thumbs noch vorhanden ist. Dann alle la-  
ster / hindan gesezt vnser gebott vnd Ober-

teyt / haben sich by vilen vnser vnderthanen  
Tütscher vnd Weisscher zungen starck  
her für gebrochen. Desßhalb wir erstlich vns  
selbs einander wol erinnert / gnado ersucht /  
vnnnd gar flyssig erforschet haben / weß ge-  
müths doch vnser neder gegen dem all-  
mechtigen GOTT/vnnnd sym heiligen Euan-  
gelio / sye / das ist / ob er syn inb Ser vnd  
gutt endlich begäre meer zu erhalten / we-  
der das hymelsreich / vnnnd ewig leben / so vns  
durch Christum erworben / durch syne die-  
ner verkündet / vnd durch den heiligen Geist  
by den gläubigen ettlicher maß vßgetheilt ist.  
Daruff/ Gott lob / vnangesehen diser zyt be-  
schwerden / da durch blöde gewäßen hoch be-  
schwert sind vnd angefochten / hatt vns syn  
vätterlicher will durch Christum Jesum so ferz  
nit fallen lassen/das wir ein vnwillen vnd ver-  
druß / gedachtes vnsern überlästigen Crükzes  
halb/ gegen synem heiligen namen vnd war-  
hafft.

hafftigen verheiffungen entfangen. Sunder  
wir haben uns als von nûwem vereinbaret /  
vnd wider erlûtert / das heilig Euangelium /  
so ferz sich vnser Oberkeyt erstreckt / vund der  
Herz gnad verlycht / by vns vund vnsern vn-  
derthanen / in leer vnd leben zu erhalten / wel-  
ches aller der vnsern gesandten / so nechst vor  
vns erscheinen / von vns ouch begert / vund vff  
das / vorußgangne Reformation vnd Man-  
daten / selbs willig by jnen wider in Krafft ha-  
ben kommen lassen.

Da her zum teil ouch andren vnlust hin-  
zulegen sind verursacht worden / ein Syno-  
dum űber aller die vnser Pfarrer vnd Seelsor-  
ger sind / zu beschryben / wie beschēhen. Als  
nun am nûnden tag Januarij diß gegenwûr-  
tigen zwoey vnd dryßsigsten jars / jr hie zu Bern  
ankommen / und by einander versamlet wa-  
ren / haben jr űber vnser vnd űber selbs geden-  
cken vnd hoffnung / vff nachgenden jũhalt von

wort zu wort sich einander trübsolich ermanet/  
vñ sollich ermanung mit grosser einheligkeit fast  
herzlich angennemen. Darzu der gnädig Gott  
unser gemüter/ als wir hoffen / innwendig be-  
weget / vnd von vssen durch einen syn getrü-  
wen gehilffen vnd werckzug gefürdert hat. Er  
selbs welle sollich syn werck by ūch vnd vns /  
ouch by allen gläubigen vollführen biß an das  
end/ Amen. Vß das haben jr vnser Pfarrer  
vnd Seelsorger / vns Schultheysen klein vnd  
groß Rāth dise unsere Acta vnd handlung ū-  
berantwort / mit angehendter bitte / solliche  
hören verläsen / durch vnser auctoritet vnd  
macht / wa sy uns gefallend/ bestätigen/ wir  
selbs / so ferz sy vns berüren/ halten / vnd ūch  
zu halten befehlend. Da mit gnad vnd gab  
Gottes/ das ist / unsere so Christenliche geden-  
cken vnd erinnerung / durch hinlāssigkeit nit  
abfallen / oder in verachtung kommen / wie be-  
schicht/ so in gemeynner versamlung besserliche

ordnung / durch güttherrliche Oberkrent mit be-  
kräftiget wirt. Welche ütwere gschriften / als  
wir iren innhalt verstanden / haben wir vns  
höchlich gefallen lassen / für göttlich vnd besser-  
lich erkennt / und nit anderst gewußt / dann  
das eben vff solliche art vnd wyß ir die Pfar-  
rer vnd Seelsorger ütwer leer vnd leben führen  
soltten / dadurch der innwendig / hymel  
vnd ewig lutz verhöfflich vffwachset. Auch  
der freuel vnd mutwill deß fleischs abgestellt.  
Aber der Heilig Geist vnd innwendig gang  
der gnaden frey gelassen wirt / welchen zu men-  
schen keiner creaturen zustatt / als ir das in sol-  
chem schryben fürnemlich angesehen haben.  
Darumb so haben wir solliche ütwere Acta  
Synodalia vns gemeynlich gefallen lassen /  
vnd zu fürderung Gottes eer vnd vffgang deß  
heiligen Evangeliums dienstlichen erkennt /  
bestetigen vnd bekräftigen sy. Vnd wollen sy /  
so ferz sy vns belangend / erstatten / vnd ver-

(:) (:) :

hoffen das sy von allen den vn'eren von  
Statt vnd Land gehandhabet werden / da by  
ouch ouch die Pfarzer vnd prediger schutzen  
vnd schirmen / vff das ir Jesum Christum als  
lein Predigen / die irzal verwerffen / laster  
vnd ergernuß beyder der Oberherzen vnd vn-  
derthanen / ouch unser selbs ane schütten / an-  
tasten und widersächten mögen / nach ord-  
nung des glaubens / der liebe / und der besse-  
rung an Gott gegenwärtiger zuhörere. Doch  
wie ir selbs Christenlich syn erkant / so wöllen  
wir ouch nicht zusehen und ungestraft hingan-  
lassen / so jeman vß ouch nit nach Gottes eer /  
und art des Geists / die vffbutung leeret /  
sunder zerstörlich lasterwort / vß bößwilligem  
trug und eignen begyrden vßgüßet / es besche-  
che solichs wider frömbd oder heymlich / Wyb  
oder Mann / Oberkeit oder underthanen. Aber  
hierinn wöllend wir niemant ze vil gefährlich  
sin. Diemyl aber der gröffer theil ouch selber  
vnd



und ūweren beuelch belanget/ so ist unser will  
und ernstliche meynung / das sy ein jeder für  
sich selbs mit leer und leben by der gmeyn /  
und gegen sich selbs erstatte / und das je einer  
den andern / vorab die Dechan / und so in ge-  
schidligkeit und gutem yser fūrtreffen / zu  
glycher haltung frūntlich ermanen/ fūrdren/  
und tryben wōllen. Wa sich aber jeman̄t dar-  
wider freuenlich setzen / solich heylsam fūrge-  
ben verspotten/syns ampts nit geflyssen war-  
ten / ergerlichen leben / oder sunst der gmeyn  
Gottes/ schadhafftig syn wolte / durch über-  
tretung eins oder meer articel diß gehalt-  
nen Synodi / der selbig solle wissen / das es  
im nit soll ungestraft abgan / wo es anders  
uns anlanget. Sunder er muß einer solchen  
peen von uns gewārtig syn / das mānigklich  
befinden mag/ wie hoch uns Gottes eer/ und  
ungehorsam wider sin wort/angelegen ist. Zu  
letst/so ist unser beuelch und endtlich meynung/

(:) (:) ij

das dise Acta / in folgenden Synodis / so  
jährlich vff dem Meytag vngesährlich gehalten  
werden sollen / flüssig verläsen / erlütet / vßge-  
leytt / und ernüwert werden / vnd an keinem  
puncten abbruch beschehen. Wa aber etwas  
uns fürbrächet von unseren Pfarzern oder an-  
dren / das uns näher zu Christo föret / und  
nach vermög Gottes worts / gemeiner fründ-  
schafft und Christenlicher lieb zuträglicher dan  
jck verzeichnete meynung ist / das selbig wol-  
lend wir gærn annehmen / und dem heiligen Geist  
synen louff nit sperren. Der nit zu rud vßs  
fleisch / sunder allweg förttringt vß das eben-  
bild Christi Jesu unserß Herzen. Der uns all  
in synen gnaden bewaren wölle. Geben zu  
Bern am 14. tag Januarij desß 1532. jars.

Hand.





Handlung des Berner Synodi.

# Handlung des Synodi

oder Christenlichen Versammlung / so am 9.  
tag Januarij angefangen/vnd am 14.tag hienach syn end  
genommen hat/ in disem gegenwürtigen. 32. Jahr. Da by 230.  
Personen / alle Predicanten und Verkünder des Worts Got-  
tes / in Statt und Landschaft zu Bern  
gewesen sind.

Vom Befelch vnnnd Gewalt der zytlichen  
Oberkeit/ den Gottesdienst belangend / sampt  
einer ermanung an ein lobliche Herr-  
schaft Bern.



Sist nit wol möglichen/ by  
gemeinen Pfarrern und Die-  
nern des Worts des ewigē Got-  
tes / Gnädigen lieben Herren eto  
was fruchtbars mit vsserlichen  
ordnungē angefaßen und züer-  
halten/ on einer zytlichen Ober-  
keit züthün und fürderung Al.  
so gar ist das Menschlich Ge-  
A

müt zerissen / und zu eygнем erdichten fürnehmen ver-  
kert / beyde by den Priesteren / vnd dem gemeinen Volck /  
von wegen das noch so gar wenig Geists und krafft Got-  
tes in vnseren Herzen ist. Nun geizympt der Oberkeit die  
ein Christenlich Regiment vnd Gottselige Herrschafft  
syn wöl / allen flyß anzukeren / vff das jr Gwalt Gottes  
Dienerin sye / vnd daß sy des Euangelions Leer und Leben  
(so veer es vsserlich ist vnd blybt) by jren Vnderthanen er-  
halte / Derenhalb sy vor dem strengen Gericht / darinn  
Gott die Welt durch Christum vrtellen und verdammen  
will / antwurt zugeben erfordert wirt.

So vil aber des gangshalb der gnaden / den ein zytliche  
Oberkeit / so wyrt er in vsserlichen Händlen stat / sol für-  
dem / wie derselbig inwendig angericht vnd gefährdet wirt /  
ist nit in der Menschen vermögen / stat ouch keiner zytli-  
chen Oberkeit oder Creaturen zu / dann die Geislichen  
und Himelschen ding sind zewill hoch / vnd über allen zytli-  
chen Gwalt. Darumb sich kein Oberkeit in die gwässen  
soll ynlassen / noch von vssen gebieten oder verbieten / dar-  
durch die guten gwässen beschwert / vnd dem Heiligen  
Geist ein zyl gesetzt werde. Dann Christus Jesus vnser  
Herz / dem Gott allen Gwalt / vnd die verheissung des  
Heiligen Geists geben hat / ist allein ein Herz der gwässen.  
Deshalb dann Pabst / Bischoff vnd Pfaffen / mit allem  
irem anhang / Widerchristen sind / vnd die Leer der Züffel  
führend / sittemal sy alle vnderstan die gwässen zu menschen /  
Sünd zumachen da Gott kein verbott gethon / vnd das  
vor

vor Gott sünd ist / züuergeben / gnad züuerlychen / vnnnd durch ihr selbs erdichte Werck ouch andern Lüten gnad züuerdienen / welcher Gottslasterung die Wellichen Herren sich nit annemen / sonder alles flyssig verhüten vnd fliehen söllend / Aber darumb söllend sy nit von Göttlicher Regierung abstan / so wynt dieselbig vßwendig ist / vnd der freylouff der gnaden durch iren gwalt möge / als durch Mittgehülffen Gottes gefürdert werden / Das ist das sy ob der gesunden Leer halten / die irung vnd versärgung abwenden / alle Gottslasterung vnd offentlich Sünd in Gottesdienst vnd Leben abthügend / die Warheit vnd Erbarkeit beschützen / u.

Darum dietwyl / Gnedigen lieben Herren B. G. mit sölicher dapfferkeit habend das Euangelium angenommen / vnd lütern Vnderthanen sätgetragen / dasselbig ouch als ein Municipal vnnnd besunder Stattrecht geschworen / by sich selbs vnd allen den lütern in Statt vnd Land zühandhaben / So ist es dahar wie ein andere lüsterliche sagung lütere Herrschafft zeachten / vnd mag ouch gegen der Welt mit ehren niemermehr von sich verlassen werden.

War ist es das lüter Dienst vnd Gwalt by dem Euangelion nit anders dann Glyßner macht / dieselben ouch gemacht hat / wo nit Christus selbs am Handel ist / dann vil vermydend die Maß / als ein Gottslasterung / die sunst mit disem Ortel wol zufriden werend / wo sy nit B. G. durch ir Edict und Mandat abgestelt hette / aber

das schadet nit/ Dann Moyses dienst hat auch nit we-  
ters by dem Befehl Gottes/ das dennoch ein Befehl deß  
Lebens ist/ver mögen/ vnd dörfte auch sölichß nit vnder-  
wegen lassen/sonder er muß syn Ampt tryben/ vnd also  
dem Fleisch das lebhaftig Befehl in ein todten Buch sta-  
ben/ ja zu einem Zorn vnd Todt/ selbst machen. Sittenmal  
Sitt in allem dienst Moysi/ dem Volck kein verstendig  
Herg/ kein erluchte Dugen/ kein hörende Oren/ geben  
hat/wie er sich Deut. 29. in seiner letzten red kurz vor sy-  
nem todt beklagt vnd was der zeit by inen vierzig Jahr-  
gyn/Also wenig frucht bringt vor Gott deß vßwendigen  
Dieners handlung. Doch schadet es V. G. nit/ wie es  
gleich werde angenommen. Dann V. G. begerte durch  
iren Dienst jederman zur Warheit zefördern/ vnd offent-  
lich ergernuß abzustellen/ So nimpt aber die Welt es an  
zur ghyßneren / ghycher gestalt wie Moyses vnderstünd  
das Volck vß Gott zufördern / vnd ein Gottseligen vnd  
besserlichen wandel by inen zu erhalten.

Vnd wiewol jr/und aller gwalt kein gut gewäßen vor  
Gott machen mögen/ dennoch so verhilffet V. G. durch  
irē dienst/ damit das reyn wort Gottes by lütern vnder-  
thanen getriben/ die heyter gnad angezeigt / vnd vß den  
Brunnen gewynen werde/ vß dem allein die Wasser deß  
Hells geschöpft werden/ das ist vß unser Herren Jesum  
Christum / welcher vnser einziger Mittler ist/ es neme sö-  
lichß an wer do wölle/ vnd ob schon by jederman vergeb-  
lich were. (das doch nit möglich) so haben jr nit desters  
weniger

weniger / das über gethan / und über Seel errettet / vnd wie Moyses vnd die frommen König von Juda vil guts geschafft / daß sy das Befehl in der Übung by dem gemeinen Volk gehalten haben/dann in Verläßung des Befehls/ vnd der Predig des Wortes/darob die König gehalten/ ist daß Urtheil Gottes wider die Bößwilligen verkundet / öffentlich Gottslästerung/Schand/Laster vnd Ergernuß abgestellt / das arggestraft / vnd das Gut gefördert vnd geöffnet worden/ welcher halb die frommen König/ durch den Heiligen Geist in der Eschripte hochberühmt sind worden.

Etlicher einfältiger Lüten vnred soll V. G. von solchen Christenlichen fürnehmen nit abwenden/so also sagend. Das Christenthum stat inwendig / es mög nit mit dem Schweri geregelt/sunder muß mit Gottes wort verwaltet werden/ V. G. richte ein nür Papsthumb an / wo jr lich in sachen des Gloubens wölten vnlassen etc. Antwort.

Das were wol war/so ein Herrschafft vff die gewässen tringen/ vnd Christenliche Frhheit/ die vff einen guten gewissen stat/ meistern wölte/welches von V. G. in gegenwärtigem Handel nit zugeedencken ist / diewyl jr darob sind/ das die Warheit helter geprediget / zur Frumkeit ermant/bezder der Vnderthanen vnd Oberkeit/Laster ohn alle forcht gestraft/vnd das von vssen solich Ordnung im Gottesdienst vnd sunst gehalten werde / die den louff dem Heiligen Geist nit breche. Welches dann beschicht/ so

## Handlung des

**V. G.** vns / die by Statt vnd Land diß Euangelium sollen verstanden / als üßern Vnderthanen vnd verpflichten / nachgende Ordnung / die wir vff disen Synodum vnder vns berathschlaget habend / zu förderung Gottes Eere / bestätigtet / vnd zuhalten beſilchet vnd gebütet / des wir **V. G.** vnderthenigklich ersucht / vnd vmb Gottes willen gebetten wellend haben. Vnd ſat ſöllich vnſer Ordnung vnd bedenden im folgenden Puncten.

Daß wir vnſerem Ampt flyßig  
ſollen vorſyn.

Das Erſt Capitel.

**I**m erſten / Diemyl wir die Pfarier vnnnd Prediger für ander Votten Chriſti / Diener des Geiſts vnd Verwalter der geheimnuß Gottes ſyn ſollen vnnnd alſo genempt werden / der glichen dann ouch ein lobliche Herrſchafft der Statt Bern / vnd ander Oberkeiten / ſo vil die vßwendigen Ordnungen belanget / Gottes Diener ſind vnd heiſſend / ſo iſt vns hoch von nöten / lut vnſer G. Herrn vffgerichter Sagung / das Euangelium betreffend / daß wir vnſers Dienſts vnd beſolchnen Ampts / das da geiſtlich / innerlich vnd Hymeliſch iſt / wol acht haben / vnd mit allem flyß ernſtlich obligen. Nun erfordert vnſer Ampt zwey ding / heilſame Leer / vnd ein beſſerlich / erlich leben / für vns vnd vnſers Gloubens Hußgenoffen vnd Verwanten.

Das

Das die ganze Leer der einig  
Christus sye.

Das 2. Capitel.

**D**er Leer halb hat es die gestalt/ das alle heilsa-  
me Leer nüt anders ist/ dann das einig ewig  
Wort Gottes/ die Väterliche güt vnd Hergh-  
lichkeit/ so er vns durch Christum hat mit ge-  
teilt / das ist nüt anders weder Christus Iesus selbs /  
der vmb vnser Sünd willen geträgiget/ vnd vmb vnser  
Gerechtigkeit willen/ da mit wir gerechtfertiget wurden/  
von den Todten vfferweckt ist. Was diser Leer zewi-  
der / das ist vnserm Heyl zewider / was solchen ver-  
stand/ vnd disen innhalt nit mit im bringet / mag nim-  
mer ein Christenlich Leer genant werden / dann alle  
Christenliche Prediger sind Botten Christi / vnd zu-  
gen synes lydens/ deß Willen vnd Befelch sy allein sollen  
vfrichten / als von irem Herrn / allein darzu vßgesandt  
vnd abgefertiget/ glich wie er/ der Herr Christus Iesus /  
vom Vatter gesandt ist/ daß er syn Väterlich Eer vnd  
Namen / vnd sunst nüt anders den Menschen offenbar  
mache/ welches er geträwlich durch syn gang läben vß-  
gericht hat. Eittenmal er ohn vnderlaß in synes Himel-  
schen Vatters Handel und Geschefften gesin ist/ vnd hat  
nüt von im selbs geredt/ sunder gelernt/ wie er vom  
Vatter gehört hat.

Das Gott dem Volck allein in Christo  
soll angezeigt werden.

Das 3. Capitel.

**S**ze schimpfflich ist es einem Diener Christi synes  
Herren befehl nit wüssen/vnd sich andern vergeb-  
lichen geschäften vnderzlehen / vnd nit sich gar  
anmassen der dingen die synen Herren/das ist vnser besten-  
dis Seligkeit belangend. Der Vatter redet zu vns durch  
synen Sun noch hüt by tag / welcher im Heiligen Geist  
vnser Herzen inwonet/durch welchen Gott der Herr vns  
im selbs versünet/ in welchem wir die Werck Gottes vnd  
syn Väterlich Herz gegen vns erkennen / in sollichem ver-  
stand vnd erfahrung Christi / nimpt zu / und wachset off  
täglichen der gläubig Mensch/darzu in die täglich erma-  
nung färderet. Welches nit beschicht/ wo die Prediger  
vil von Gott reden/vff Heydnische art/ vnd denselben  
Gott nit anzeigen in angesichte Christi/ der da ist syner  
Herligkeit abglantz / vnd Wesenlicher Warheit ebenbild  
vnd wortzetzen/ verlassend die Prediger die Gnad Got-  
tes in Christo anzeigen/so wirt ihr Volck je erger vnd vn-  
gläubiger/vnd zu lezt ohn Gott in der Welt/ wie die Hey-  
den gesin sind/ die glich vil geschweß von einem natürli-  
chen Gott gehört vnd geredt haben / aber nit vernommen  
von ihrem gnedigen Vatter im Himmel/ darum sy den  
bekanten Gott nit als Gott vereeret habend/ biß inen  
Christus verkündt/ vnd von inen geglaubt ward / wie  
Paulus



Paulus schrybt zun Ephesern am anderen Capitel. Ir  
warend (spricht er) zur selben zyt ohn Christo / ic. da har  
ihr kein Hoffnung hatten/ und warend ohn Gott in der  
Welt.

Das Christus syg das recht  
Pfulment.

Das 4. Capitel.

**A**lso ist Jesus Christus unser Herr der Grund und  
Pfulment des geistlichen Gebäws / vsserhalb syn/  
ist kein Heyl zeverhoffen / In Christo aber ist kein  
Schaden noch Verdamnuß zeförchten / Er ist der Eck  
stein/ der Fels/ der Ugang/ das Leben / und die Warheit.  
Disen Jesum Christum haben die Apostel und ihre Jün-  
ger/ deren Nachfolger die Pfarren syn sollend/ allein gepre-  
diget / deßhalb Paulus dise Gerechtigkeit/ die er vß dem  
Gesaz hat verachtet / und nit haben wolt/ Phil. 3. Vnd  
hat sampt allen Aposteln für syn Grundfeste Chri-  
stum allein gehalten/ deß wir wyter nachuolgende Exem-  
pel anzeigend/ wiewol alle Gschrifft darauf dienenet. Ich von  
den Gnaden Gottes/die mir geben ist/hab den Grund ge-  
legt/ ic. ein andern Grund kan zwar niemand legen / vsser  
dem der gelegt ist/ welcher ist Christus Jesus. 1. Cor. 3.  
Ir sind Burger mit den Heiligen/und Fußgenossen Got-  
tes/erbuwet vff den Grund der Apostlen und Propheten/  
da Jesus Christus der Eckstein ist/ Ephes. 2. So ir anders  
geschmeckt habend/ daß der Herr fränlich ist/ zu welchem  
B

ir kommen sind/als zu dem lebendigen Stejn. 1. Petr. 2.  
 Diser Jesus ist der vsserwelt kostlich Eckstein/ dauon Esa.  
 20. und in Psal. 118.

Das ohn alle Mittel durch Christum allein  
 der gnadrich Gott erkent wirt.

Das 5. Capittel.

**W**er was bedarfes viler wort/ alle Schatz der Wiff-  
 heit und erkantnuß/ ligend verborgen in Christo/  
 Colos. 2. Warum solte ein Christenlicher Prediger  
 vß andern Historien/ oder vß den neben Bächern/ Wiff-  
 heit suchen ohn fürgeben diser Reichthum / und Schatz-  
 kammer Gottes Jesu Christi unsers HErrn/ in dem alle  
 ding zusammen gefasset sind.

Man will etwan ohn Christo/vil reden von dem All-  
 mächtigen Gott/ aber es ist unfruchtbar/ sittenmal sich  
 Gott allweg in Wercken erzeigt/und by etlicher ding El-  
 genschafften und Wortzeichen/därllichen fürgeben hat/als  
 im Paradyß by dem Boum deß Lebens. Nach dem vall  
 Ade/by der Frouwen Samen/ dem Abraham/ by dem  
 Werck der Vßführung vß Br der Chaldener. Synnem  
 Knecht und Nachkommen/ der Herr und Gott Abra-  
 hams/ htenach by dem Volk Israel/ Gott Abrahams/  
 Gott Isaacs/ und Jacobs Gott. In der Wüste und im  
 Land/ Gott der vß dem Land Egypten/ vß dem Dienst-  
 huß gefüret hat/der mit uns den Bund vß dem Berg Ho-  
 reb gemacht hat. Es ward ouch der Bündnuß halb die  
 Arch

Arch der zügnuß/der Tempel und die Statt Hierusalem /  
 Gott der Herr genant/ dann by disen Wortzeichen ward  
 Gott verstanden. Also ist Gott by etlichen Wercken der  
 gnaden/ und besümpften Händlen oder Zeichen / doch ver-  
 dunckelt fürgeben worden/ wie in vff disen tag die waren  
 Christen im Herren Jesu Christo / heyter und gewiß ohn  
 allen fäl begriffen. Darum soll und muß durch die Ver-  
 kündter Christi die erlächting von der erkantnuß der klar-  
 heit Gottes/ in dem Angesichte Jesu Christi bewegt wer-  
 den/ und nit vßerhalb/oder ohn Christo 2. Cor. 3. Dann  
 sölich erkantnuß Gottes/ die Christus nit gebuwet / fal-  
 let ab/ und verflüsset under den Händen/ wie Cicero von  
 Simonide dardit: welicher durch flyssig betrachtung  
 und erforschung was Gott wäre/zu legt dahin kam /daß  
 er weniger von Gott wüste/ dann da er söliche gedenden  
 anfienge. Den Juden fällt ouch noch hüt by tag an Got-  
 tes erkantnuß by irem todten Buchstaben und by der  
 Arch deß Bundts/ dann die Arch ist nit mer. Es ist heg ein  
 nüt Symbolum und Wortzeichen Gottes / das Gott  
 selbs ist / der im in Christo die Welt versünct. Vorhin  
 war der Archen Deckel genant der Gnadenstül/ hegund  
 ist Christus selbs der war Gnadenstül/ vß dem wir Got-  
 tes gnadriche Stimm hörend/ mit im versicheret werden/  
 und ein sicheren Zugang/durch in zum Vatter haben / wie  
 das Hieremias bezäget. Sy werden nit mehr sagen/ die  
 Arch deß Herren Bündtnuß. Es wirt sölich red nit in ir  
 Herzk kommen/ sy werden deren nit mehr gedenden/ Abc

Hierusalem wirt der Stül Gottes genant / daselbst redet der Prophet vom Kych Christ / und von dem Himmelschen Hierusalem / das da frey ist / und da Gott inn wonet / in der Dierwelten Herzen. Volget das by dem Houp und Gliedern / das ist in Christo / und in synen Gläubigen / Gott der Vatter in Warheit diser zyt der gnaden allein verstanden wirt / in welchem die gnad zun Heiden ouch kommen ist / die durch inn der gnaden theilhafftig worden / ohn das Gefaß / durch syn Göttlich Blut / und in würckung des Heiligen Geists.

## Ein Christenlich Predig ist gar von und vß Christo.

Das 6. Capitel.

**D**iewyl Gott allweg an echafftige Werck und Tethen sich und syn erkandnuß / also zu reden angebunden / und solich Figuren / Schatten und Vorbild vß Christum Jesum alle gedütert / welcher in disen letzten Tagen erschnen / syn Louff im Fleisch vollbracht / gen Himmel gefaren / sich täglich by den Gläubigen im H Geist eröffnet / Vnd ein einige glichförmige geheimnuß des Vatters vnd Christi ist : ouch den Vatter niemand erkennen mag / dann durch den Sun / So ist von hohen nöten das alle Gottes Diener und Verkänder des Kychs Christ / den einigen Herren Christum Jesum flyssig predigen / des erkantnuß alles übertrifft. Desßhalb so sollen wir einander trawlich ermanen / vß daß wir Diener Christi den

den selbigen unseren Herren/ einig und allein predigen / off welchem der gang Rath Gottes ruhet/ damit wir nit erfunden werden / als Esaprediger / oder sunst Weltlich Prediger / als die da lerend unser eigen vernünfftige gedenden/ und als falsche Diener vom Herren verworffen werden.

Das Christenlich Leer und Leben am Tod  
und Vffersichtnuß Christi sye anzufangen und  
zu vollstrecken.

Das 7. Capitel.

**E**s ist ouch nit gnug das die Pfarrier dise Wörter Jesus Christus ist unser Heiland/ und der glychen offte benamsen/ und dem Volck off reden / dann das Euangelium vom Kych stat nit in lerer sijn / und blossen worten/sonder in warer krafft Gottes / welche der Gläubigen Herzen fasset/ verenderet/ ernüwert, und machet vß armen Sündern Kinder Gottes / und recht Hymliche Menschen/ die nit nach Blut und Fleisch / sonder nach Gott gesinnet und geartet sind.

Das man aber zu sollichen gaben und gnaden komen mög/ soll der anfang an dem Tod und Vffersichtnuß Christi genommen/ und also in sym Namen die Buß und Vergebung der Sünd verkündet werden / das ist aller Christenlichen Predigen inhalt.

Dermassen zu predigen hat der Herr synen Jüngeren selbs befohlen / die Apostel gehalten / die Vffersicht

im Glouben angenommen / der Heilig Geist bestätiget / und alle Welt nit mag abred syn / darzu ist nachgender Spruch zubedencken.

Da offnet er inen die verstantnuß / daß sy die Geschrifft verstünden / und sprach zu in: Also ist geschriben / und also müßi Christus lyden und vfferstan von den Todten / am dritten tag / und predigen lassen in sonem Namen buß und vergebung der Sünden / under allen Völkern. Luce 24.

Hie sehen wir das nach der vfferstantnuß die Predig der buß und vergebung der Sünden erst angat / dann in des Namen der gelitten / gestorben und vfferstanden ist / soll die buß / und vergebung der Sünden geprediget werden. Darum so ist dahin aller Predigen inhalt zurichten / vß dem farter Trisal abgethan / die Sitten gebessert / und das gut gefährdet werde. Hie zu gehört / das nach der Vfferstantnuß der Herr syne Jünger gesant hat zu predigen.

Daby ist zu mercken / daß by der Vfferstantnuß der ganz Louff Christi züuerstan ist / als namlich die Vffart gen Himmel / und vßhellung des Heiligen Geists / sampt volgendem Handel im gewässen der Gläubigen.

Es sind ouch die Predigen Petri im Buch der Apostelgeschicht zuergründen / die eben angezeigte Ordnung züuerständ / das Heil durch Christum haltend. Actorum 2. 4. 5. 11. 17. 20. Dann allenthalb zeigen sy an den Tod Christi und Vfferstantnuß / dardurch sy trybend zur buß und vergebung der Sünd / welches die Sum ist unsers

fers Euangeliums. Solche Predigen der Apostel sollen flüssig angesehen werden/vff daß wir ansachen da sy haben angefangen/ und zu gleichen färgang und wachsen in Christo kommen mögen.

Darby wirt geredt/ Soll man am Tod und offer/ ständnuß Christi ansachen und enden/ warzu dienen daß die Euangelisten/ die syn Geburt und Leben beschryben? Antwort.

Die Geburt und das ganz Leben Christi ist ein vorberettung zu sym Tod/ also das syn Dispensation/ und syn gegenwärtig Leben und Leer/allenthalben ist vff unser Heyl gerichtet: sytenmal er vom Vatter gesant/ und in die Welt kommen/ die Sünder selig zu machen/ so ist er allwegen gwißlich synem Befelch getrüwlich nachkommen/und hat dahin alle syne Wort und Werck geordnet/ sunst were er sym Vatter ungehorsam gsin/ das da nit zu gedennen. Darumb so suchet der Geist in uns/ in aller syner Leer nit anders/dann das Wort synes Crüßes/ und syner Heriligkeit. Deßglichen schowet er an die werck und Wunderzeichen Christi/darinn er verstadt den inwendigen Louff der gnaden/ und geistliche Handlung Christi in dem Herzen/ dann vß blinden und touben Sündern/macht er sehend und hörend gegen der lebendigen Eim deß Vatters/vß den Lamen grade Helden die den weg Gottes louffsn vnuerlegt. Er nimpt hin die Malagn der Sünden/durch syn heylsam Gnad/ den todten Sünder erquicket er durch den Geist der Vfferständnuß. Also höret der Gloub



von vßwendigen Wunderzeichen Christi/ und verwundert aber by im selbst vil mehr die inwendigen und geistlichen Händel die er täglich im Heiligen Geist wärcket/ welche alle vernünfft übertreffen. Die Geburt Christi vom Heiligen Geist beschehen/ zeigt an/ daß wir Kinder Gottes werden/ so wir über die Geburt so von Blut und Fleisch ist/ ouch nütze und Himmelsche Lüt gemacht werden von dem selbigen Heiligen Geist/ den uns Christus verlyhet. Darumb so beschryben die Euangelisten die Geburt und das Leben Christi/ syttenmal es uns gang dienet zu unser Erlösung/ und das absterben nach dem Fleisch/ und die Vfferständnuß nach dem Geist in Christo/ darinn gezeigt und fürtragen wird.

## Wie unser Sünd vß Christo soll verstanden werden.

### Das 8. Capitel.

**D**S schrybt der Apostel/ das Gott syn Liebe gegen uns darum prysset/ das Christus für uns gestorben ist/ da wir noch Sänder und Gottes Feind waren/ Rom. 5. Daruß volgt/ das uns die Sünd abschüchlich und verhasset wirt. Syttenmal der Sun Gottes für uns hat sterben müssen/ vff das er solchen Last der Sünd von uns neme/ ist er einmal im Heiligen Geist für uns geopffert/ und hat uns die ewig Erlösung funden.

Daruß erschnhet was Schadens und Fluchs in unserm Herzen ligt/ das da allein durch so kostlich Sündopffer



opffer/ und besprengung Gottes Bluts/ hat mögen geret-  
niget und geheiligt werden/ sunst was kein ander hülff zu  
vor.

Gott ist des Menschen Schöpffer / synem Gott solte  
er gang ergeben syn/ das ist nun nit in syner natur / denn  
er sieht vff die creaturen / vff sich und vff syn eigen wolge-  
fallen/ und macht sich zum Abgott/ dem er selbs Götlich  
Eer zamsiße/ und im grund han will: da er kumpt das nie-  
mand will verachtet syn.

In Christo ist ohn Gsag erkandtnuß der  
Sünd zu suchen.

Das 9. Capitel.

**I**n Tod Christi haben die Apostel fast behend  
unser verdampft natur erkennen gelert / wie die  
Zuden im Gsag Moysi ihr Sünd mit grosser Ar-  
beit/ und gar schwerlich erkant haben. Darumb sy den  
Henden einfaltig ihre Sünd und die versühnung / durch  
Christum / ohn Gsag haben angezeigt / und keinen hin-  
dersich gewissen in den Moysen. Dann leret man durchs  
Gsag Sünd erkennen / so ist es nüt dann ein Tod und  
kalt ding / und hat kein leben. Was Arbeit haben sy ghan  
mit den Zuden / sy von Moysen abzuwenden / und Christo  
gang zuzufüren / warum wolten dann wir unser Vold  
von Christo / vff Dienstbarkeit des Gsags wysen?

Warumb Paulus so vil vom Gsaz mit  
den Heyden gehandelt.

Das 10. Capitel.

**S**U aber die falschen Apostel den Fuß hend ingesetz  
und nebed Christo das Gsaz als notwendig  
glert/ist der warhafftig Apostel getrungen anzu-  
zeigen/warzu/und wie ferz Moses mit sym dienst nutz  
ist. Welches er by den Heyden nüt bedörfft hat / die da  
gloubten und einfaltig verhofften von Christo/vergebung  
der Sünd/dem sy anhlengen/nach folgten / und in allem  
färnehmen ansachen. Den wer an Christum gloubt / der  
hat das ewig leben. Darumb darff der gläubig Heyd  
keins gsätzlichen Schulmeisters / er hat der Kinder Frey-  
heit schon erlanget.

Das die Juden vnder dem Gsaz / wie  
die Heyden ohn Gsaz / zu dem Glouben  
kommen sind.

Das 11. Capitel.

**D**och hat die Kitch von Juden versamlet das Gesaz  
vß Christenlicher Freyheit mit Christo gehalten /  
unabbrüchlich dem vertrauen vß Christum / mit  
grossen yfer: darzu sy Malachias als er das Kych Chri-  
sti beschrybt/und alle Propheten/beschlisset und besiglet/  
in der Person Gottes ermanet. Gedendet / spricht er/ an  
das Gesaz Mossimynes Knechts. Welches ich im ge-  
botten

botten hab / vff dem Berg Horeb über alles Israel / der  
 Sagenen und des Gerichts. Darumb und wie lang  
 heisset Gott durch Malachiam des Gesatz ingedenck syn z  
 darumb und so lang / biß das sy des Gesatz vnuermögen/  
 und syn waren gebruch erkennen / das ist daß sy dardurch  
 zur Zukunft des Herren Tags / inbrünstig und begirig  
 werden / und bis Elias der Bußprediger kömpt / und des  
 Herren Weg by dem erschrocknen Sünder bereitet. Dem  
 nach ist Moyses Ampt vß / und wirt dennoch ohn Gebott  
 frywillig gehalten / von denen die des gewont sind / und die  
 mit der vsserlichen Handlung des Gesatzes iren Glouben/  
 und die innerlichen Himlischen Schatz erfrischen / und in  
 selbs fürbilden / als die Apostel Kilch zu Hierusalem und  
 sunst kein ander überall geihan hat. Darum Sant  
 Paulus vom Gesatz kein abtrettung leert / sonder die Reli-  
 gion nach dem Gesatz zu Hierusalem / vff ansehen der  
 andern Aposteln annimpt / vff das er gesehen werd als  
 einer der das Gesatz für gut und recht halte / und nit für  
 böß verwerffe. Dagegen die Apostel Kilch zu Hierusalem  
 die gläubigen Heyden / ouch nit wolte an das Gesatz ver-  
 binden / ob dem sy für sich selbs so hoch yferten. Actor. 21.  
 dan es ist nütz den Gläubigen vß den Juden / die sich deß  
 recht gebruche / von wege irer alten gewonheit in sömlichen  
 so erinnerten sy üch / vß Übung des Gesatzes / irs Herren Jesu  
 Christi / syner gaben und gnaden / und ir selbs Sünden.  
 Aber den unerfarnen Heyden / bracht es ein falsch vertru-  
 wen in die Werck / so es vor oder nach Christo gelert ward /

als ob es nit alles in Christo stände. Welche Werck deß  
 Esas die gläubigen Juden vß der erfahrung/ Inen für nüt  
 wol erkandten/ der Figuren und dütung halb / und hatten  
 nit zu besorgen/ daß sie gegenwürtige gnad verliuren / und  
 sich widerbegeben vß die schwachen Element diser Welt/ so  
 lang sy in der erlangten gnad bstan würden.

**Uñderscheid zwischen dem Prediger  
 Christi under den Heyden / und dem der  
 under den Juden predigt.**

Das 12. Capitel.

**W**iso ist ein underscheid zwischen dem Apostel. Ampt  
 an die Heyden/ das Paulo befolchen was/ und dem  
 andern Apostel. Ampt an die Juden / deß sich ge-  
 brucht hat der Heilig Petrus. Dises Apostel. Ampt yfert  
 aber dem Esas ohn schaden. Actorum 21. Jenes nimpt  
 sich deß Esases nüt an/ und hat gar nüt mit Mose yschaf-  
 fen/ dann zufälliger wyß/ so verr er von frem lieben Hey-  
 land bezüget/ und nüt ist zur Leer/ zur Straff/ zur Bess-  
 rung/ 16. Wir aber die von Heyden kommen / mit Hey-  
 den/ und nie mit Juden handlend / söllend ohn Esas in  
 Christo die Gnad verkünden/ wie St. Paulus pflegt/ und  
 nit mit Petri Kirchen zu Hierusalem versamlet/ dem Esas  
 also nachfragen/ dann Christus ist unser gnügen/  
 was wollen wir mehr?

Joan. 1.

Wa.

# Wahar die falschen Apostel.

entstanden.

Das 13. Capitel.

**W**ahar ist es / das die falschen Apostel die Kirch zu Hierusalem fürwandten / die über dem Gesag großen yfer trug / und von deren befehl sy sich by den Heyden räumten / aber ohn Warheit / und understünden die so von Heyden gläubig warend / hinder sich von Christo vff den Moysen zuwysen. Welches aber die Kirch zu Hierusalem nit thät / und inen denselben falschen Apostelen Paulus zuehyn nit gestattet / Sonder die gläubigen Heyden ermahnt er by dem reinen Glouben stoff zu blyben / darzu in von nöten was / Übung / gebrauch / und vermögen des Gesags und diensts Monst fürzubringen / nit daß er sy die Gläubigen fürnemlich dadurch begere zu füren in wyter erkantnuß der Sünd / von welcher sy zuvor gerechte gemacht waren / wann das übrige der Sünd wirt vil heterer vß Christo verstanden / sonder er hat sollich Disputation vom Gesag getrieben / vß daß er sy vor dem vertriben in den Gesag / als für ein schädlichen ding verhötet / und in Christum besefigte / welcher den Geist gibt des Gesags des lebens / ohn Gesags des Buchstabens / das bestat in ewigkelt.

Deßhalb so wollen wir die Pfarrer diese art zu predigen fr uns nemen / deren sich die Apostel gegen den Heyden gebrauch haben / welche ohn Gesag in Christo die Sünd

G 11

haben angezeigt / Gnad und Verzychung der selben vß / in und durch in verkündet / und so schon ein Bschriffte / die wol der falsche Apostel und Bspgleerer ist / für unser Gemeinde zuhandlen fürsyce / so solle dieselb recht erläutert / und dem noch die einfalt Christi ohn Bß / darneben an gezogen werden / das dienet zum waren Bw Gottes / und für summet vß Irßal / die sunsteinfaltige Lüt gar bald vß dem Buchstaben vßsriben / und hienoch ohn verstand besirten wollen.

## Von der Buß vnd Vergebung der Sünd oder vom gang der gnaden.

Das 14. Capitel.

**N**ach dem vß dem Leyden und ingang Christi in syns Vatters Heimlichkeit / erkantnuß der Sünd erstanden ist / volget richtig ein richtiggeschaffene Buß / das ist / ein warhafftig Herklich Leyd und Mißfallen der Sünd / und derselbigen vergebung / diewyl derenhalb der Sun Gottes von sym Hymelschen Vatter in die Welt gesant ist zu leyden und sterben / vß das er durch syn Tode uns zum leben brechte / und niessung der Hymelschen Väter.

Wa der Vatter also syn Sun offenbaret / und den gwüssen in firtregt / da volget ein vester Gloub und hergölich vertruwen vß sölich unbegrifflich gnad Gottes. Diser Gloub macht gerecht. Dann wer gloubt an mich / spricht der Heri / hat das ewig leben. Er ist vom Tod durchtrungē /  
und

und im Hm̄el angeschriben/ darjn n̄t befleckt und un-  
subers gan mag.

Diß ist der gang Christi/ und ankunfft der gnaden  
durch synen Geist/ daß hederman lerne vß dem Tod Vffer-  
stentnuß und Vffart Christi von syner bekanteir Sünd  
und verdampften natur/ vß die gab Gottes in Christo ze-  
kommen/ und sich endelich züuerlassen/ von welcher gelaß-  
senheit die gnad wird angenom̄en/ durch die uns all ver-  
gangne Sünd vergeben ist/ und nit mehr zur Straff vß-  
gerechnet wirt.

Es ist ouch hie mit züglich der Geist Christi/ der er-  
öffnet/ und bringt an das Liecht ye lenger ye mehr die helmo-  
lich Sünd/ und verborgene malediung der Herzen/ welche  
er täglich verzeret/ und das Herz wie ein Für das Sylber  
täglich lütert/ und synet von dem Schum und Vnflat  
der Sünden. Dann zwen Werck hat by uns der Heilig  
Geist/ das erst durch syn gnad macht er die Gläubigen ge-  
recht/ und n̄w Menschen. Das ander/ so hilfft er/ daß wir  
erben werden nach der Hoffnung deß ewigen lebens/ das  
bschicht/ so wir in deß Gloubens kampff bestan/ an dem  
Fleisch täglich absterben/ ouch geistlich und Hm̄elsch ge-  
sinnet werden. Von der Buß und vergebung der Sünd  
in Christo/ ist diser und dergl̄ichen Sprach der Gschriff-  
ten zu bedencken.

Laßt uns zur vollkommenheit faren/ und nit aber-  
mal den Grund leggen der Buß/ über den todten werden/  
und deß Gloubens ohn Gott/ Ebre. 6.

Die



## Die Buß in Christo gefunden ist der Grunde.

Das 15. Capitel.

**D**ie Buß ist der grunde/ aber wie gesagt ist/ soll sy in Christo gesucht werden. Darumb Christi Predig ist wärend Buß/ das Reich der Himmel ist nach zu gegen/ das ist/ vrsach der Buß soll syn die begird des Himmelreichs/ so durch Christum angeboten ist zu empfangen und anzunehmen/ das geschicht so uns der Heilig Geist mit Christi Blut besprenget/ reiniget und heiliget/ Zur Buß ermanet Johannes das Volk/ so begeret dem ynfallenden Zorn Gottes zueintrinnen/ und vom verderben errettet zu werden/ welchem wir nachfolgen sollen/ wie im die Apostel eygentlich gefolget habend/ nach anzeig nachgender Sprächen.

Nach dem Petrus in syner Predig beweret/ das Gott Christum vom Tod vfferweckt het/ spricht er. Nun so er durch die gerechten Gottes erhöhet ist/ und empfangen die verheißung deß Heiligen Geists vom Vatter/ hat er vßgossen dis/ das ir sehen und hörend/ ic. So wüsse nun das gang Huß Israel gwiß/ das Gott disen Jesum/ den irgecräusiget habend/ zu einem Herren und Christ gemache hat. Vnd als sy sagten/ was sollen wir nun thun? Antwort Petrus. Thut buß/ und laß sich ein jellicher touffen off den Namen Jesu Christi/ zu vergebung der Sünd/ so werden ihr empfangen die Gab des Heiligen Geists.

Acto.



Actorum. 2. Der Gott unser Vätter hat Jesum offer-  
weckt/ welchen ihr erwürgt habend und an das Holz ge-  
henckt/ den hat Gottes rechte hand erhöcht/ zu einem Her-  
zogen und Heyland/ zu geben Israel buß und ablaß der  
Sünd/ wir sind Zagen über dise Wort/ und der Hellig  
Geist/ 11. Actorum. 5.

Welches ein kurze und vollkomne predig ist/ die da  
inschlisset den gangen Handel Gottes/ durch Christum  
vollendet.

Die Geheimnuß so von der Welt her ver-  
borgen/ ist/ das Christus ohn das Esay den  
Heyden geprediget werde mit andern  
Escrifften der Buß.

Das 16. Capitel.

**S**prachen/ so het Gott ouch den Heyden Buß ge-  
ben zum leben/ Actorum 11. In welchen die herliche  
Kynichumb der Geheimnuß/ das ist/ Christi/ un-  
der den Heyden erklärt ist/ welche von der Welt har/ und  
den ynten har verborgen gsin. Wer nun das Ampt zu pre-  
digen under die Heyden hat/ und durchs Esay will Sünd  
bewegen und Buß vffbringen/ der verdunkelt die sarnem-  
se Geheimnuß und Herlichkeit Christi/ Nämlich das der  
Hellig Geist durch Christum vff die Juden under dem  
Esay/ und Heyden ohn Esay zu glych fallet. Dis ist vast  
wol zu mercken.

Paulus zun Thessal. redet mit den Juden dry tag

D

von der Gschrifft / thäte sy in auf / und legts in für / das Christus müßte lyden und vfferstan von den Todten / den ich / sprach er / üch verkündige / ist der Christ. Actorum 17.

Item zu Athen. Vnd zwar Gott hat die zyt der unwissenheit übersehen / neß gebüet er allen Menschen an allen enden Buß zu thun / darum daß er ein tag gesetzt hat / vff welchen er richten will den Kreis des Erdbodens mit Gerechtigkeit / durch einen Man / in welchem ers beschloß / sen hat / und hederman fürhalt den Glouben / nach dem er in hat von den Todten vfferweckt.

Ich han bezüget beyden / den Juden und den Griechen die Buß zu Gott / und den Glouben an Herren Jesum Christum. Actorum 20.

Daß die Christenlich Buß vß den Propheten ouch mag gelert werden.

Das 17. Capitel.

**W**ann nun schon Spruch vß dem Alten Testament zu handeln synd / von der Buß / so sind die hegund nüt anders zu handeln dann vß Christo / wie angezeigt / vff den alle Propheten wnsen / als diser Spruch Hieremie. Wenn dis Volk wider das ich geredt / vom übel abstat / und buß würcket / ic.

Eömlichs ist mit Christenlichen Oren zu hören / und zubedencken / wie sölich Buß / allein by Christo recht gesucht / gefunden und erlangt wirt / vff das nit yemands

ein

ein ernst zur besserung vß im selbs dichte/ ohn intwürdung  
Christi/ und sich überiede/ er sy glych nach bey G Du.

Das im verstaud Christi allweg sy zu-  
nehmen/ und das heder erforschen soll  
syn selbs g'ouben.

Das 18. Capitel.

**D**ise Leer soll by den Kilchen und gläubigen Lüten  
täglicly zunehmen/ die sich ihrs beruffs sollen ye ge-  
wässer machen/ durch emsig erforschung und vff-  
wachsung ihr selbs Gloubens. Dann wer im verstand  
und empfindung Christi nit zunimpt / der nimpt ab / und  
gahet wider zuruck/oder ist noch nie recht vff dem weg gsin.  
Dahar dienen die Paraneses und Ermanungen Pauli.  
In welchen sich die Psarier flüssig äben sollen.

Wytter die Wal und Gnad Gottes falt nit ab / an  
der es alles gelegen/doch soll das Volck gelert werden/ by  
im zu bräffen/ und zu erfaren ob sölich wal / und gnädiger  
will Gottes/ durch Christum/by inen angelegt / und ins  
Werck kommen sy oder nit/ das ist/ das hederman wüsse/  
was er von Christo warhafftig empfangen / und was im  
mangle an verstandt und erkandnus Christi/welches nit  
anders ist/ dann ernüwerung des Hergens/ und der inn-  
wendig geistlich / Himlisch Mensch/ der ohn Sünd ist/ so  
wyt er vß Gott geboren ist/ und nit hanget an Blut und  
Fleisch. Dann der Gloub ist ein wüßenhafftig versiche-

rung des Herzens. Wie gilt es nit überredens / wie beschicht in Menschlichen Händlen.

Bis har von der Leer Christi / die an sym Tode und Vfferständnuß ansacht. Im Tode Christi leret man erkennen der Sünd / und ware Buß.

Vergebung der selbigen in der erhöhung / so durch den Glouben / und gab Gottes Christus im Geist / die ewelten Herzen mit Göttlichem Samen schwanger macht / und vß dem unzergeßlichen Samen zum Himmelnrych gebirt Himmelsche Menschen / das ist / die da von Herzen anheben Sünd zulassen / und Gerechtigkeit und Frumkeit zu üben / mit erfahrung der Liebe Gottes im Glouben. Welche Leer in allen Predigen getrieben werden solte.

Vnd das vom artickel der rechtgeschaffnen Leer / doch wellen wir etwas noch von den Sacramenten anzulegen.

## Von H. Sacramenten und vom Touff / in der gemein.

Das 19. Capitel.

**I**N Sacramenten haben wir söltch bedenden / daß wir gar flüssig einander erinneret und ermanet haben wollen / vß daß wir alle in der Lieb belyben gegen yederman / so vil an uns ist. Vnd daß wir uns nit inlassen in einigen Zand / vorab der Heiligen Sacramenten halb / so lang die geheimnus / der Herr Jesus Christus uns gelassen wirt / obschon er nit so hetter / und diser art  
uns

uns gelassen wurde/ wie er syn solte/ damit wir in durch  
Zand nit gar verlieren.

Dann die Sacrament sollen uns zur vollkommen-  
heit / und nit zu vffbringen fleischlicher Sinnlichkeit die-  
nen. Will aber neman syn gefaste meinung wider uns ne  
erhalten/ so sollen wir suber abtreten/ und die red lencken  
vff die gewissen Händel/ so durch den Heiligen Geist Chri-  
stus selbs in uns vollbringt/ nach dem Gott einem neden  
neder zyt gnad verlichen. Als nämlich ein red infüren von  
der Krafft des Gloubens/ von guten gewüssen / warinn  
und wie lang es bestande/ wie und warum es möge vffsal-  
len/ wie ver: es ewig sye vom innerlichen gang und vfwach-  
sen der gnaden/ und was derglychen ist/ allein daß wir ge-  
flissen syen Zand züuerkommen alles vermögens / und  
kein Artikel zemachen/ damit einer den andern zu knüpf-  
fen/ und in synen Sentenz zefüren und zetringen pflegt.  
Sunst wirt alles leid und grüwel wider angericht/ und zu  
allem irthum sicher zugang eröffnet.

Es bedächte aber uns das von Sacramenten am  
sichersten möchte also geredt werden. Zum ersten das es  
nit Ceremonien oder Kilchengepreng syen/ welche die He-  
breer Hükym heissen/ dann söliche sind Schatten und Fi-  
guren gewesen des zukünftigen Christi / der negund by sy-  
ner Gemein zugegen ist und blybt / bis zu end der Welt.  
Sunder es sind geheimnussen Gottes / oder geheimnussen  
der Kilchen Christi/ dadurch den Gläubigen von vffen fār-  
getragen wirt der Christus/ so zugegen im Heiligen Geist/

die Herzen schwanger und erfüllt. Also bitten wir den Allmächtigen/ das er by uns die Übung der Sacramenten zu einem waren Göttliche Handel mache/ und nit ein Menschen Werck blyben lasse/ das ist/ das allweg/ die grosse gehennuß Gott im Fleisch in uns lebe und vffwachse/ wie er von vffen durch die Sacrament fürgetragen wirt.

Hienach das wir von Sacramenten mit den worten handeln die peder zyt zuhören/ und uns selbs auffbuttlich syn an Gott/ durch Christum/ und nit einander mit zank reden bemühen. Des wir im H. Apostel schön Exempel haben/ als nämlich zu den Röm. die all in Christo getoufft waren/ schrybt er also. Laßt uns erbarlich wandlen/ als am Tag/ nit in fressen und sussen ꝛc. Sunder züchet an den Herren Jesum Christum / und thut nit nach des Fleyschs klugheit/ synen lüsten nachzecommen.

Dargegen schribt er den Galath. Nun aber so der Gloub kommē ist/ sind wir nit meer under dem Zuchtmeister/ dann jr sind all Gottes Kinder/ durch den Glouben an Christo Jesu. Dann wie vil ūwer getoufft sind/ die haben Christum angezogen Was lesen wir da? vergisset syn der Heilig Geist? Er bittet die getoufften Römer/ das sy de Herren Jesum Christum anziehen wollen. By den Galathern aber wandlet er die red/ und sagt/ das alle getoufften den Herren Jesum Christum schon angezogen haben. Wo lan daruß lernen wir/ das nit vff die red/ wort und art/ sunder vff den verstand zusehen/ demnach der model zu reden behalten und geendert wirt/ wie es immer besserlich

chen



chen heder zyt sin mag. Deshalb wir die wort, zänder  
 ye meer vermyden sollen/ye höher geheimnuß sy irem zank  
 inbrocken. Sunder wir sollen mit Paulo heßund sagen.  
 Ziehet an den nütwen Menschen / ztehet an die Wassen  
 Gottes / die Wassen des Liechts / bekleidend sich als  
 die vßerwelten. Item. Legend an die krafft von der hö-  
 che. Vnd vil der glichen so wie dir Gemeyn fürzufaren er-  
 manen wollen / und so wir ansehen/ was unser blöden  
 Emeyn fälet.

Aber so wir bedencken / was wir alle so glouben /  
 und durch den Touff Christ in Heiligen Geist getoufft  
 synd / von Gott erlangt haben / und das die liebe alles  
 gloubt/ wir auch sagen/so dürfen wir getoufften haben al-  
 le angezogen den Herren Jesum Christum/und mögen wol  
 daran henden.

Lieben Brüder / znehet aber wyter an den Herren  
 Jesum Christum / dann wir gar bald unsren mangel in  
 unserm Fleisch ouch bedencken/ so wir die gnad Gottes in  
 uns beschouwen/vff daß wir nit in eigen wolgefallen kom-  
 men.

Es hat die Kilchen allweg verderbt das hederman et-  
 was nütws Leren will/und das wenig synd die den waren  
 Menster den H. Geyst hören / da gegen wir die eynfalt  
 Christi hie vorbeschryben haben/in der wir blyben wollen  
 mit der hilff Gottes/ und dar zu aller mittel / als Sacra-  
 mēt/Touff und Nachmal/und das üßerliche wort on für-  
 wiß bruchen. Dann in allen dingē wir durch den Glouben

vff unsern Christum allein sehen/oder soch sehen sollen/  
das wissen wir vast wol/Gott helffe uns sollichem trawlich  
nach zukommen.

## Von dem Touff besonders.

Das 20. Capitel.

**D**ie Kilch ist by der Christus wonet/ und die er selbst  
erhaltet/ nach dem innwendigen Menschen. Diser  
Kilchen Sacrament sind nit blosser zeichen / sonder  
zeichen und heimlich Krafft Gottes zugleich mit einander/  
als der H. Touff/ darinn der Diener mit Wasser / und  
Christus zu glich mit synem Geist töuffet. Aber wir touf-  
fen unser Kind also/ daß wir sy durch unser töuffen zur Ge-  
mein Gottes von vffen annehmen/ guter Hoffnung der  
Herz werde nach syner ewigen güte hienach syn Ampt by  
inen ouch vfrichten/ und sy mit dem H. Geist warhafftig  
töuffen/ und haben sollichen Kinder touff für ein war Sa-  
crament.

Dann unser Gloub ist über das vßwendig/ und über  
Statt und Zyt. Duch ist er dem Gläubigen Menschen  
sollicher geheimnuß ein erinnerung/ dann derselbig ist vß  
der waren Gemein Christi. Darum unser Kinder töuf-  
fen ein Sacrament der Kilchen/ und groß Geheimnuß  
Gottes ist/ und nit ein blosser Ceremonny/ sittenmal wir  
Christen syn/ und den nit mehr mit Figuren und Schat-  
ten bedüten/ sonder durch Sacrament warhafftig unsern  
Glouben zugegen fürtragen / und erfrischen/ daß by dem  
Kind



Kind wol noch nit im werck angelegt/ aber by uns die zu-  
gegen im Handel syn/ ist es angelegt. Vnd wissen das wir  
durch Sacrament den Handel Gottes fürbilden / wie  
er für uns / und by uns angelegt ist / und nit wie er für  
Got in ewigkelt bestat. Darum der Touff begrabet mit  
Christo/ und erweckt mit im vff. Dennoch so haben wir  
dise Fryheit vß Christo/ daß wir touffen den so wir zu sö-  
lichem absterben durch Christum gedenden vff zuziehen.  
Vnd ist allein flyssig vffzesechen daß wir nit ohn geheim-  
nuß zu gegen die Sacrament handeln/ so wynt es an uns  
gelegen / und unser selbs gewüssen belanget / dann sy sö-  
len Sacrament syn und blyben/ und nit für ein bloß ge-  
preng getriben werden.

## Von übung des Touffs.

Das 21. Capitel.

**D**eshalb so bitten und ermanen wir/ das der Töuffer  
syn Vöck gewenne/ zum Touff ihre Kind am Son-  
tag zu bringen / so die Gemein zugegen ist. Dann  
wie gesagt/ so ist es ein Sacrament der Kilchen / oder der  
Gemein / welche zwen wörtiln wir für ein ding / für das  
gläubig Vöcklin nemmen. Darumb soll es nit ohn die  
Kilchen zugegen gehandelt werden/ dann so die Kilch nit  
zugegen ist / so ist der Touff nit ein Sacrament der Kils-  
chen / sonder ein gemein Kinder baden. Wann aber  
ein abergläubige Hebammen im Huß das Kindlin not-  
toufft/ wie sy im Pabsthum gelert sind/ es sye da by wer  
da wölle/ so ist es kein Touff/ dann sy von der Gemein Got-

tes des kein befehl hat / und es ist ein falscher Gloub mit ingemischet / das man fürgebe/wa das Kindlin nit von vffen getoufft wurde/ so müste es ewiglich verloren syn. Darum anderst wa frumme Christen ihre Kindlin nit töuffen/ da bloß sind/ und versprechenlich/ und gewiß in ein Monat oder zweyen sterben würden.

Es bedarffe des Touffs fürnemlich der Christenlichen Gemeyn den halb/ die noch nit mit dem Kindlin handeln/ dann vff zukünftige hoffnung.

Da wir auch ein gleichheit haben/ so gefallet es uns das wir den Touffhandel nit vfferhalb / oder mitten im Tempel/ sunder by dem Touffstein gar vfrichten / und das das Kindlin ingewicklet blybe/ und allein das hauptlin getaufft werde/ dann es vil krankheiten gebhyret / so ein zartes Fleischlin/ das noch roth ist von Mutterlyb / und des luffts nit gewonet hat/ solle in das kalt Wasser gestossen und vom kalten lufft angewengt werden. Da by soll sich nyemant irren lassen/ das von altem gesagt/ wie es soll um der bedüftung willen/ dry mal gar under das Wasser gestossen werden / denn es sind alles Menschen gedencen/ wolte man so fürwiltig im äusseren der bedüftung warnemen/ so müesten wir nit töuffen in geschöpften Wassern / und vierzig maß Wasser haben/ die die Juden Sata oder Sann nennen nach fürgebung irs Talmuds.

Item um der bedüftung willen vß dem Dropheten Esata müsten es lebendige und stießende Wasser syn. Dañ die inwendigen wasser syn lebendig / und allweg vffquellend

lend in das ewig Leben. Aber wa blybe unsere Fryheyte/ wie wurden wir so hoch bemühet mit den vßwendigen dingen / und von anschowung der ewigen Handel Gottes / so im glauben geschehen verhindert? Desßhalb lieben Bräder und mit Diener im H. Euangelio Christ/ so wöllen wir meer sechen vß onser farnemst ampt/ vß verkündigug unsers Herren Christ/ und uns nit beschwären lassen mit unrüwiger menschen nebens phantashen/ die es ja gut meynen / aber die einfaltigen in aberglauben fürend der vßwendigen handel halb. Also haben wir bedacht in unsern dingen des Touffs glichheyt gehalten / und nit zusagen wie etlich pflegen. Ich bin fry/ darum will ich töuffen/ wie es mir gefalt / was gand mich ander lüt an? Nein nit also lieben Bräder. Ein Christ ist wol fry/er sicht aber vß jederman / und begert niemand unrüwig zemachen/ oder cynigen anstoß zegebē. Wir syn fry/ aber diener der Gerechtigkeit/ und nedermans Knecht um Christ willen / was ist aber das für ein Christenlich liebe/ das ich in vßseren dingen nit mag einer ganzen Statt und Land willfarē/ und mich in glichförmig machen? Doch verhoffen wir/ es werde nyemant so unthür syn / und sich einer besunderen wyß annemen.

Die wyl aber der Touff ein Heylig Sacrament der Christenlichē Kilchen ist/ so wölle wir das er mit ernst und dapfferkeit gehandelt und ein ort der Gschrifft vom Touff lutend verlesen / und vßgelegt werde / mit erläuterung des waren Touffs Christ/ der da beschicht im H. Geist / dadurch er ernüwert/ und von oben herab gebhyret Kinder

Gottes in das ewig Leben. Hienach werde sytsam gebetet/ mit angehenckter ermanung / das die umbständ der iren Touff für Dugen stellen/ und denselbigen ye vollkommen in inen selbs machen / durch absterben am Fleysch / und vfferstänndnuß nach dem Geist.

Als dann beschehe der Touff mit einem ernst und dapperkeit/ und nit so liederlich und spöttlich als in Pabsttumb. Dann wie offte gesagt/ so ist es nit ein Ceremonny/ sonder ein ernstlich und hoch Sacrament und Geheymnuß Gottes.

## Von deß Herren Nachtmal.

Das 22. Capitel.

**I**n des Herren Nachtmal ist zu erfrischen / und in gedächtnuß zu fassen/ was hie vor von Sacramenten und vom Touff in der Gemeyn gesagt ist. Das

Nachtmal des Herren/ ist der gang handel der Gläubigen.

In deß Herren Brot brechen ist ouch ein Sacrament/ und kein läre Ceremonien/ und tregt für den Gläubigē den Loh Christu Jesu/ der für uns gestorben ist / und das Blut ic. Welcher Loh und Blut Christi im H. Geist uns innerlich spyset/ und trencket. Wie durch den mund den zerstörllichen Loh das vergendlich Brot spyset / und der Wynn trencket/ also siche der Gloub über sich vom zettelichen in das ewig, und hat also zwen handel in im/ das vßwendig Brot brechen / und der seelen innwendige spysung. Darum der Loh Christu Jesu / und syn werthes Blut im Nachtmal sind /

sind / aber es steckt nit im Brot der lyblich Lych / noch im Wynn das lyblich Blut / wieder alt Irsal färgabe. Volget das es ein Sacrament der gemeinschafft und vereinigunge sy. Syntemmal es den Glouben den Lych Christit fürträgt / welches glider wir alle sind / als die da sind von synen Fleisch und gebein nach disem spruch. Das Brot das wir brechen / ist das nit die gemeinschafft des Lychs Christit / daß wir vil sind ein Brot und ein Lych die wyl wir alle eines Brots theilhaffig sind.

Dañenthar ist wol züuerstan was da sy underschen den den Lych des Herren. Nämlich den Lych / dadurch wir gespyset werden / und das wir gemeynschafft haben / Bernun sich selbs nit brüffet oder bewert und sich etwas höher scheget / und meer von im selbs daß von andern Lüten haltet / derselbig underscheidet nit den Lych Christit / er manglet der gemeinschafft des Lychs Christit / so fertz er noch off im selbs also stat / und ist im das Essen wie ein ander gemein Essen on gehymnuß / und on Christo / und isset im also zum gericht. Welicher Christus durch syn Geist das weltlich Fleisch der sünden straffet / das er by sölichem noch nit straffet. Darum er noch nit by im ist.

Des gepruchß halb ist für gut angesehen / das wir offflaten bruchend / und so neman nit kleine offflaten haben möge / das er grosse neme / und die süberlich zerschneide in kleine partickel. Das ouch geprediget werde / wie neder man des Herren Brot / und den Kelch in die Hand nemen möge / und das söliches geschickter sy dann im also ingeben /

lassen/ Doch wa nemants der ungewonheit halb ein schü-  
chen darab hette dem wollen wir das Brot in den mund  
legen/ und selbs trencken mit dem Kelch/ bis im solich  
schüchen selbs abfallet.

Duch ist unser bruch dry mal im Jar das Nachtmal  
zu halten/ zu Ostern/ Pfingsten/ und Wtenachten/ das  
da nit heysset an die zyt gebunden/ sytenmal nyemants  
gwißsen darinn beschwert ist. Wie der Pabst by einer Tods-  
sünd gebotten hat/ alle Jar ein mal zu Ostern das Sacra-  
ment zu nemmen. Doch hatte ein yeder lycht abzunehmen/  
was Gloub und lieb by dem syn mag/ der sunst kein hyn-  
dernuß hatt/ und sich einer frumen eynfaltigen gemein nit  
will glichförmig machen.

Das Nachtmal soll mit ernst gehandelt werden/ sy-  
tenmal es den gangen Handel Gottes inschlüsset. Dar-  
umb soll dñe geheymnuß erklet werde mit vorlesung einer  
Schrift darzu dienstlichen/ vorab der worten des Herren  
Nachtmals/ wie es der Apostel und die Euangelisten be-  
schriben haben. Daruff ein wolbedacht andechtig gebett  
volgen solle Hienach die vñtenlung des Brots und Kelchs.  
Daruff ein dancksagung wie dann sich ein yeder geschickt  
befindet. Es sollen ouch gemeldet werden wellichen söliche  
hymelische spyß nit zu stat/ als denen nämlich die da nit  
synd von Hymelrich/ welliche Paulus erzelt. 1. Corinth. 6.  
und anderswa meer.

Nach dem nun die Handel fast ist by uns/ und noch  
im anfang syn/ sollen und wollen wir meer vff die innwen-  
dig

dig erbuung sehen/welche für Gott bestat/ weder off die  
 vffwendigen. Darum wir uns des Ghorgerichts begnü-  
 gen lassen/ so verfließ ankert wirt/ und wellend nit bald  
 yemant wyter zu bannen fürnemen/ dann sy mögen die er-  
 gerlichen sündler abstellen/die Gmeyn vor bösen Exempeln  
 verhüten/und dem thäter ursach geben durch die straff/ das  
 er von syn bösen wandel abstande. Darneben wir Brü-  
 derliche straff gar flüssig üben sollen gegen yederman. So  
 ist ouch die natur also/das die böswilligen sich selbsts durch  
 ir feng und schandlich lebē von uns thun / das sy nit recht  
 by uns gsyn syn. Da dise ye wolten mit Worten und Wer-  
 cken syn syend des Euangeliums/ und dennoch des Herren  
 Tischartig syn/ wirt ein yeder yferiger und herglicher  
 Diener Gottes/ zu eeren synes Herren alle billiche mittel  
 selbsts wol wüssen zu bedencken/da mit er syns unflüsses nit  
 möge gestrafft werden.

## Von dem Gebruch des Gseßs und der Propheten.

Das 23. Capitel.

**D**as ist war wie nun meer wir henter sehen / das  
 unser Sacrament grosse Geheimnussen Gottes/  
 und nit bloße Ceremonie synd/ und das uns Mon-  
 ches mit synē Ceremonien und gebotten nit angat/ouch das  
 ein Christ nit hinder sich in den Moysen / und in die Pro-  
 pheten / gewissen sy/off Moysi und der Propheten schlag  
 sich zegatten und zearten/ sunder der Christ wirt er-  
 manet/ das er allweg zuneme / und wachse in erkant-



nuß Jesu Christi. Da gegen wird gesagt. So bedörffen wir der Bibel nit/und sollen kein Geschrift deß Alten Testaments predigen? welcher red wir Paulum entgegen stelen/ der syn Jünger Timotheum also ermanet. Blyb in dem das du gelernt hast/dieweil du von Kindheit an / die Heiligen Geschrift weist. So kan dich die selbige wyß machen zur Seligkeit durch den Glouben in Christo Jesu. Dann alle Geschrift vō Gott ingebē ist nūß zur Leer / zur Straff / zur Besserung / zur Züchtigung / in der Gerechtigkeit / das ein Mensch Gottes an Wandel sy / zu allem guten Werck geschickt. Bis her der Apostel. Und will das Timotheus blyben soll im Glouben an Christo / und sich gebruchen der Geschrift ic. Also mögen wir fünff Ursachen finden / war zu uns die Geschrift zu gebruchen.

Zum ersten / die Geschrift / das ist das Gsag und Propheten macht wyse zur Seligkeit / das ist / sy fñret uns off Christum / und Leret als dem Heyland im Glouben / zum Heyl und ewigen Lebē. Dann was vermag anders Moses durch syn Gebott / die da anzeigen / wie wir syn sollen / und den Tod trewen / so wir nit also syn / wann das er ein begyrde bewegt zu dem der den gotlosen gerecht machet / und gybt dem innwendigen Menschen / das er nit meer sündet. Was grossen Wyshent ist es erkennen vß dem Gsag und den Gebotten / die uns gegen Gott anrichten / das wir solten on fleischlich Begyrd syn. Wer ist nun also durchs Gsag: Niemand / Darum macht er uns wyß und flug zu erlangen das Heyl / durch den Glouben an Christum / der

im



im Heiligen Geist anbetet zum ersten das wort des  
Grüß/ das selbig tödtet die begyrdten. Vnd zum anderen  
das Wort des Lebens / oder die krafft der Vfferständnuß.  
welchs uns Geislich und Hymlich gesinnet machet. Als  
ist das Esay gut / dem der sich syn recht gebrucht. D  
hyn dienen alle figuren der Hütten/ der zügknus/ des gr  
denen Lächters / des Fisches / der Schowbrot / der V  
chen Gottes / des Heyligthums. Auch alle Opff  
samt allem dienst Mosi mit einander. By dem  
fenbar / das ganz nüt guts in uns / das ist in unsa  
Fleisch ist. Sytenmal er leret was uns manglet am fr  
kent gegen Gott/und gägen unseren nächsten in beydene  
botten / die Gott und die den nechsten belangen. Er leet  
das Grüß und Vfferständnus Christi im gangen vol.  
Das in höchster ernyderung erhöcht würt/und das in er  
noth das zytlich Heyl erlanget / wie wir durch ware Tzß  
das ewig Heyl / so wir an Christum glauben/erlanen.  
Glyches innhalts synd alle Propheten / die alle nüt ind  
den erlütterung und Vßlegung des Mosi/und habend  
storian in jnen / die da schatten syn der erlösung in Christo.

Vff welichen endlichen der Heilig Geyst in allen  
Gschribten Mosi/und der Propheten sicheit / und welches  
haben alle Werck Gottes von vffen ein sölichen louf ha  
ben wie innwendig der gnaden gang durch den Geyst  
Christi vollfüret würt. Dañen verstat man was der Herr  
meynet/ Ioan.v.da er sagt. Wan jr dem Mosi gloubtend/  
so gloubten jr mir / dann er hat von mir geschriben. Item

erforschend die Gschrifft/ dann ir meynen ir haben das Leben daryn/ und sy istis diervon mir züget/aber ir wollen nit zu mir kommen. Volget das der die Gschrifft noch nit verstat/ der nit ein zügnuß/ und zugang/ und erinnerung vff Christum by sym verstand befindet. Aber so wir unser unwissenheit halb den Christum/ dermassen wie gesagt/ nit in allen orten der Gschrifft ergryffen mögen/ sollen wir uns dennoch nüt beschweren lassen/ dan der Heilig Geist uns wirt uns immer fürter helfen. Vnd diewyl wir in unsern Predigen den eyntigen Christum fürtragen fleu/so ist vonnöten das wir nedes mal ein stück bekantter Gschrifft trybend die uns Christum fürbildet. Vnd hiench in andern Orten/ da wir Christum noch nit wissen/ suß etwas guts suchen/ dann die Gschrifft ist nüt zu aem guten. Wer etwas gute in der Gschrifft findet/ der hat etwas irs verstands eriencht.

Zum andern so ist die Gschrifft nüt zur Lere. Dise leetst die erkantnuß der fruchten/gaben und gnaden/so vß den crüg fließen/ und der verstand der Hymelschen güter/ wirt uns wol gemeyn werden/ so wir in erzelter übung Ghist fürfaren. Darzu gehören die zytlichen Verheissungen/velche wir nach der gottseligkeit/und vß Christo geistlich firgeben sollen Vnd demnach erst zytlichen/ so verder Geist Christi das höher ampt vorhin by uns vßgericht hat. Wo das nit/ so ist zubeforgen/das wir in fürfallenden sachen vll verheyssung neben und vßerhalb Christo infür ed, darvß nüt wirt. Welches uns under Dugen über-  
wyset/

wyset/das wir nit Apostel ouch nit ware Propheten syen.  
 Syntemal wir an der Zugen erwüschet/ und ergriffē sind/  
 wie etliche die Buren vertröstet haben/das sy der bächsen  
 Stein inn Ermel stossen/und gegen irem huffen durch iren  
 Glouben tryben wolten. Aber die Buren warden übelge-  
 schlagen/ und sy/die falschen Propheten haben sölicher din-  
 gen keins geleytet. Darum wir diener des Geists alle  
 ding sollen geystlich deuten/wie sie in Christo alle geystlich  
 und war sin.

Zum dritten/ zur Straff der yrhumb. Dann wie  
 wol wir etwas wyssenschaft haben durch den Glouben /  
 aber wir sind noch voller Finsternuß und unwissenheyt.  
 Doch solle allweg die Gschrifte nach änlichkeit des Glou-  
 bens an Christum wider Yrsal angezogen. Vnd nit ge-  
 brucht werden nach dem todten Buchstaben allein/ wie et-  
 lich pflegen.

Zum vierten / so dienet sy zur besserung/ die Histo-  
 rien / und Figuren vff uns gezogen / haben krefflige erma-  
 nung an inen.

Zum fünfften/ zur züchtigung in der gerechtigkeit/  
 das ist/ zu straffen die laster/ vff das wir deren abstanden/  
 und für Gott frumm werden.

Hie ist wol war zunehmen/was für Gott unrecht sy  
 und wir deßin sicher sygen / das wir vß den Propheten  
 straffen wöllend/ sunst machen wir uns selbs zu falschen  
 Propheten/ so wir sagten/ das redet Gott/und das wil er  
 von uns haben/wo Gott durch folgende Werd das gegen

teyl erzögte im gefellig syn. Dann da by erkennet man ein falschen Propheten / wenn er etwas redet in dem Namen des Herren / und würt nit daröß / und kompt nit also / das selbig ist das wort das der Herr nit geredt hat / Deuterono. 18. Söllichen Propheten ist der Tod getrewet / hie vor am dryzechenden Capitel. Es sollen ouch Prophetische straffen in unseren Christenlichen Herzen mit dem Geyst Christi gekochet und gemillert werden / daß sy allweg under aller scherffe ein fürtringende Liebe mitbringen / dadurch der straffe bitterkeit befasset werde. Also haben wir ein gepruch der Eschriffe / die wir schon noch nit im grund verstan / das ist / darinn wir Christum noch nit finden können. Dann der Geist Gottes leret alles guts / alle gute sitten / und anders. Allein lieben Brüder / ist uns zu bedencken / das wir unsern bevelch die Predig von Christo trüwlich vßrichten.

### Vom Pabstthum anzugriffen in den Predigen.

Das 24. Capitel.

**S**Um andern / so sollen die Pfarier Locos communes Pontificiorum, das ist gemeine Händel der Päpstlichen Kllchē wolwüssen / und in iren Predigē nach fürgebung des Herri Christi / mit obgemelts articels / und mit kurzen Worten ablenen / und das von puncten zu puncten mit ein ander. Aber nit in einer Predig / sunder neß dise / neß ein andere Verfärung / wie es sich zutregt / widersechten. Doch soll im deshalb yeder Pfarier ein Ordnung machen.

machen. Dann wiewol der Papsi in V. G. Herren Herr-  
 schafft und gebieten / zu Statt und Land von vssen abge-  
 than / so ist dennoch vonnöthen / das man die arme Lüt  
 sinff und satt underwys / vff das jr gewüssen von gegenteyl  
 nit verwüriet / und yr gemacht werde. Vff das aber / wir  
 gnug verstanden werden / so setzen wir / das ein Pfarrer  
 disen Spruch gehandelt hette. Christus ist das Houp-  
 der Gmeyn / und er ist syns Lys Heyland. Vnd hät-  
 te angezeigt / wie die Gmein Christi ein innwendigs  
 und ein gesittlich Vold were / das der lebendig war  
 Christus selbs regiert im Heil. Geist / und zu glych se-  
 lig und heylig machte / on mittelung cyniger Creaturen /  
 da möcht flugs angehenckt werden / darum ist es ein  
 Verleugnung Christi / sagen das der Papsi ein Statt-  
 halter Christi sy / dann Christus ist selbs zu gegen / und  
 hanget an der Kilchen / oder Gmeyn / wie das Houp den  
 Gldern anhangt / deß er selbs das Leben / Krafft und den  
 Geist ingieffet. Dahar wird offenbar / wie alles das vom  
 Papsi / als Statthalter Christi sargenommen / mit allen  
 synen Sagungen / und Verbotten vom Taffel / und wider  
 Christum unsern Heyland ist &c. Das mag beschehen mit  
 meer oder minder worten / und mit meldung eins besun-  
 dern artickeis der Mess / der Bycht &c. wie es sich yeder jzt  
 zuträgt.

## Vom vermanen vnd straffen.

Das 25. Capitel.

**D**iewyl der Heilig Geist / vß den Psariern reden soll / das Heyl der Welt / unseren Herren Jesum Christum / welcher Geist zu Gott fñret / und die Welt der Sñnden straffen / so sollen sy in allen Predigen / zu Christo / und den frñchten der Gerechtigkeit ermanen / und hie nach die Welt der Sñnd straffen / nit allein der vßwendigen sñnd und der groben Laster / welliche doch nit ernst sind anzugreiffen / sunder ouch die heimlichen verborgnen geistlichen Tñck des Fleischs / als eigen wolgefallen / Gnyßneren / geistlich Hochfart / verlassung brñderlicher Lieb / unfrñnlichkeit und was derglychen wider Gott im Herzen wñtet. Vß das yederman nach syns Gloubens maß gestñffet und gebessert / und die Gmeyn gemanet werde vß den Brunnen und Ursprung / das ist / vß das Herz / und die heimlichen Gedñcken / zusehen und die zu bessern.

Darñ vonnöten / das der Prediger nit vß Menschlicher bewegung straffe / sunder straffe vß bestendiger Warheit / als fñr Gott / und im Angesicht unsers Herren Jesu Christi. Dannenthar entsiat / das er nymmer straffen wirt / dann vß herzlicher Lieb / so syn Gott ergeben Herze übergossen ist durch Christum / und wirt ouch nit wyter straffen / dan es vßbüwet by den zuhörrern / sytenmal in der Kilchen alle ding zur besserung beschehen sollen /  
und

und nit vß Fleischlichem yfer oder Zand / wie leyder offte beschicht / das die so sich des beuelchs Christi räumen / sich selbsts Predigen / irn vnwillen gegen iren Widertwertigen vßstossen / und ir müßlin an in erkälen / dadurch ihr Ampt pro Cathedra Ecclesiæ, Cathedra impudentiæ billlich gegenant wärd.

Kein Bitterkeit soll in das Hertz komen / das den fräntlichen Christum understat zuverkünden / sonder die Lieb Gottes soll vßgossen syn / in sölich Hertz durch den Heiligen Geist / der im geben ist / und zu dem die Zuhörer wyssen soll. Wann nun die straff nit nach Göttlichem willen vß Christi erkantnuß genommen / die scherpfte der straff mit Hertzlichkeit und Lieb nit gemischet ist / und wa menglich nit spüret / das allein Gottes Eer und der Zuhörer Seligkeit gesucht wirt / so ist es nit Christlich gehandelt. Das gestan und bekennen wir zu eeren unserm Herren und Gott / den wir hie mit bitten / das er unser Herzen und Zungen mäßigen wölle / und geben / das wir das mittel treffen. Dann wöllen gar still schwingen / oder die Laster zugeltind angriffen / soll ouch nüt Wer Gottes Vrteyl allein ansichet / der hat vß gesagten Worten gnug bericht zunehmen.

Die art der Red in der Straff / solle nit lichterfertig und weltzam / sunder bestendig / dapffer, und erbar syn / vß das nit die Herlichkeit Christi / die herovßer fry redet die straff der Sünden wider die Welt verklenyet werde.

Dann von Christen sollen alle ding in der Kilchen



schynbarlich beschehen / dagegen eilliche vß uns gar ungschmact/ und ungsalgen reden sären / die etwan züchtige Dren on scham nit wol vernemen mögen/das nit syn solle. Darum wir einander trüwlich gemanet / und gebetten haben wöllen/nüchtere/ und rechtschaffene reden zu sären / die zur vffbuwung und nit zu zerstörung der schwachen gemüther dienen.

### Welchen man straffen solle.

Das 26. Capitel.

**S**ollen allein die gegenwürtigen zuhörere angeredt und gestrafft werde. Dann was hilfft es das in unser G. Herren von Bern / Statt und Land / Churfürsten und Fürsten wurden angriffen / die mit uns nit zethun hand / und sich unser Riltch nit wellen annemen? Paulus spricht: Es sollen alle ding in der Riltchen zur besserung beschehen. 1. Cor. 12. Was bessert es nun zu schelten mit hohen worten den/der in abwesen ist / und syn gegenwürtig volck mit solchen unnützen worten vffhalten / die wol vil Leer und straff bedörfften. Es ist eben als wann man ein Todten zum Bad trüg / und ließ den Kemhfege in syn Riß und Unflat verderben. diser bedürffte des badens/ des achtet man nit. der ander/das ist der tod Lychnam / hat kein nuß von der badstuben / dann das er von der hitz dester ee stinckend werd. also verblatern wir ouch die frömbden Lüt mit unseren hitzigen Zungen / aber unsere gegenwürtigen zuhörere verlassen wir in irem fleischlichen wol.



wolgefallen stecten/ denen wir durch künlich straff dienen  
 möchten und sölten/ also schaden wir zu allen teylen/ so wir  
 uns nit nach der regel Christi halten/ den es verblutert in  
 dem solche bittere red von abwesenden/ unser zuhörers das  
 volck/ und bringet in freuel orten/ das es nit acht nimpt syn  
 selbs besserung/ sunder begibt sich klug zu werden in ander  
 Lüt laster züuerstan. Darumb man von abwesenden nit  
 reden solle/ es were denn anligender schad zu fürkemen /  
 der von den vßwendigen in zytlichen oder Geislichen din-  
 gen heßund zu besorgen were/ oder das es etwan mit kur-  
 zen Worten/ als im fargang/ und exempels wyß beschehe /  
 unser frummen zuhörers/ von glychem Gottlosen wesen zu  
 verwaren. Des Bapsts aber können wir nit vergessen /  
 denn er ist mit synem gwalt schon zugegen / und macht vil  
 gewässen irz und unruwlg by in selbs/ sunst möchten wir  
 syn wol mässig stan/ vß ursach das nötigers uns anligt/  
 dann mit synen unsubern sakungen umbzuan / wo wir  
 nit schuldig weren die hinderuß vom Göttlichen Tempel  
 burw abzuwenden. Also sollen wir in Predigen/ der die vß-  
 wendig sind/ nit gedenden / allein es wer dann sach / das  
 nemants entstünde / von dem wir unser Gemeyn den et-  
 was schadens in zukunfft besorgten. da ist warnung von  
 nöten/ und nit zu schwngen / ob wol solche red am höch-  
 sten vßbringet unsere syend / die wir also von not wegen  
 müssen an regen. dann hie ist die not. doch lycht ist zu un-  
 dersheyden / von den frummen und Gottsförchtigen / die  
 bösen so sich selbs suchen.

Dann Paulus züchet der massen an/und verwarnet vor dem falschen Apostel / für Hymeneo und Alexandro dem Kupfferschmid / die nit zu gegen waren / das sich für inen die frommen Gemeinden Gottes / wa sy zu Epheso sy ankämen / wüsten zu hüten. Sunst zücht er flyssigklich an der Gläubigen gute Exempel / so by anderen Kilchen waren / vff das er sy vff buß und besserung rechte. Der bösen Exempel sind gnug allenthailb / das man sy nit wyt suchen darff / aber die guten sind nit also an allen orten by grosser zal zu finden. Darum von nöten das nit von allen guten verschwigen blibe / das von Gläubigen so anderstwa wonen beschicht. So pflegen aber etlich das gegenteil fürzunemen / entdecken jedermans schand / und könnend gar nit by nyemants finden / das zu räumen sy / das doch ouch vß guter meynung bescheen mag / nämlich das man meer sicht / wie man arges vergoume und verhüte / dann wie man gutes durch Christum in den Herzen vffburwe / welches doch den Christen eigentlich zu stat.

Das die Warheit on vertroöstung einigs zytlichen anhangs / vß der Eschripte / und nit vß gebott der Oberkeyt zu sagen gebüre.

Das 27. Capitel.

**S**ollen ouch die Pfarier das Schwere Göttlichs worts glych schnyden lassen / und nyemants verschonen / es syen Wyb oder Mann / Herz oder Knecht / Fründ oder Feind / Oberher / oder Underthan / so sollen sy  
fry

syn herußer sagen/was syn nach Göttlichem wort zur besserung dienlich finden. Es gefall oder mißfall wem es wöll/ aber in selbs kein fleischlichen anhang machen/ noch durch listige practiken / parthyen anrichten. Dañ Gottes Handel sollen eynfaltig/und grad on alles wendcken/und on ansechens des Menschlichen Tags gehandelt werden.

Darwider sollen ouch nit etlich/wie geredt wirt / V. G. gwalt allein predigen/das und das haben sy die Herren erkent und gebotten / darum sollen es die Vnderthanen glauben und halten / damit der klein verstendig mer V. G. Herren in Göttlichen sachen/weder Gott selbs ansicht/welches ein Houptstuck des Bapstthums ist. Dann der Gloub sihet allein vff Gott / und kompt vß dem lebendigen Wort Gottes/ und erluchtung des Herzens / und nit hanget an unsern G. Herren / oder keines Menschen vrrtheyl. Dann der gerecht lebt in syn glauben.

Also zimpt sich nun zu sagen: Es hat ein lobliche Herrschafft zu Bern unsere G. Herren das Euangelium angenommen/und die Maß und anders ab erkent / so sich befunden hat zu syn/ wider dise und dise Gschriffte/ wider die artickel des Glaubens / und wider den verstand Christi/ welches ir neß selbs verstan/ und nit abred syn mögen/von wegen diser heyteren Gschriffte/ und disem ewigen verstand Christi/ dem beyde Alts und Nüws Testaments Geschriffteen zu stimmen.

Darum sollen ir Gott bitten/das er es lich noch fürter zuverstan und ins Herß geben welle. Wir sollen nit un-

verstan unsere G. Herren an Baptis statt setzen / der die  
gewüssen gemeynert hat / welches ist sich zu vil vff unsren  
gwalt / und vff die zytlich Oberkeyt lenden.

Das im kein Pfarzer den gemeynen Mann  
soll anhängig machen.

Das 28. Capitel.

**D**ie andren reden zu vil scharpff wider die Her-  
schafft/und fürnemlich in deren abwesen / da es gar  
nüt von nöten/ und on frucht ist. Weliche / so sy zu  
gegen/und da die warheit soll bezäget werden/ ungeschick  
schmencken/ und lieblosen/ und thun das darum das sy  
in selbs den gemeynen mann anhängig machen / welcher  
gern hört ander Lüt / vorab jr ober Herren lehren und  
schencken.

Summa es ist keins recht / es gebüret ein Diener  
Christi/weder underthanen / noch Oberketen im selbs zu  
underwerffen/ und sich selbs für etwas fürzugeben. Sun-  
der die Prediger und Diener des worts sind schuldig und  
verpflicht den Buh Gottes zu färdren/ und die gläubigen  
on als ansehen jr selbs Personē/irem Herre Christo gang  
zu zefüren. Wir wellend aber/ leyder/ Lieb syn/ und von  
nyemant verhasset werden/söllchs sehen wir das Paulus  
nit gethan hat / dem was ein geringes / das er von den Co-  
rintheren / oder von menschlichen Tag gerichtet wurde.  
Darumb lygt aller hafft daran / das die Prediger an dem  
ewigen Rhat Gottes meer sehen/und vß Gottes mund zu

re

reden das/ das am jüngsten tag vor dem warhafftige richter bestan möge/ weder daß/ das der gegenwärtigen Wele gemäß und annähung ist/ und das die Fleischlichen gehlen oren/ gar fränlich zu gegen kühlet.

Da des redners Herz offrichtig ist/ da gath es richtig zu/ und haltet man Ordnung/ des fürnemste sorg ist/ wie Christus nun groß werde by dem inwendigen Menschen/ und hergliche Frumkeit erschyne by der Gmeln Gottes/ demnach ermanet er zu tugenden/ zu leist strafft er aber nit stercker/ dann in im der Geist Christi trybet/ und er den Christum selbst befunden/ und in vorhin mit Worten fürgeben hat. Darum ist wol zu bitten/ das der Herr rechte arbeiter in syn wyngarten verschaffen wölle.

**Wann scherpffe oder linde mit dem Sünder zu gebruchen/ ist by Gott zu leeren.**

Das 29. Capitel.

**S**tret sich dick zu/ das die rache von nöten/ etwan ist besundere und fränliche ermanung für zune. men/ neß verschonet man/ neßen gryffe man an mit der scherpffe/ beyde um Gottes willen. Samuel wolt de Saul/ den Gott verworffen hat/ nit geschendē vor dem volk. Eltas aber schalt und straffet den Isabel/ sampt allen Baalischen Pfaffen/ offentlich mit aller rässe. Ein yeder thet syn beuelch vß Gott/ und ist doch einer lind/ der ander fast hārb und strenge/ und das beyde gegen verworffnen Sündren.

Welches yeglichem zu yeglicher zyt gezimme/ mag

§ liij

nit wol in regel verfasst/ und nach der vernunft gerechnet werden. Es gehöret ein Geysilich vrtheyl darzu / das wol volgen würt/so wir von Herzen begeren den willen Gottes zu thun / Joannis 7.

Sölche begyrde erhöret Gott / und gibt was jeglicher zyt von nöten/ ob schon alle gefährd volgen solten.

## Ermahnung an ein Oberkent zu Bern /

Unser G. Herren.

Das 30. Capitel.

Apostrophe.

**W**ann wider sich G. H. und über selbst Personen / oder auch wider die Vögte / und beuelcher im Land etwas hitzigs und hochmütigs geredt wurde / will sich fast erlich und rümlich sin / sich deß gar nüt zu beschwären / sunder zu gemüet füren / vß weß befehl und namen der Pfarier oder Predicant redet. Nämlich das Wort Jesu Christi treget er für als ein bote und gesanter syns Herren / von dem vergüt zunemen ist. Gott will unser welt wyßhene vff mengerlen wyß brechen / zu zytten durch ein eynfaltigen und ungelerten Menschen / ein söltchen ungeachten dorff Pfarier / da leyssen ir gehorsam des gloubens/ so irs mit aller gedult lyden / als von Gott sich zur besserung zugesagt.

Es soll ouch B. G. nit bald bewegen / das über achtung villeicht zuvil beschicht. Dann also ist unser Natur gestellet/ das im selbst in sinem mängen yederman gern recht gibt /



gibt / und mit verdruß / ouch verdiente und billliche straff  
 annimt. Es will nyemant gern unrecht haben. Zu dem so  
 ist ein Oberkeyt in grossem vnrathe / von ihrs hohen stands  
 wegen / dann jr by nach yederman / under ougen liebkoset /  
 und was sy gern hört / zu redet / aber nit yederman im Her-  
 zen so wol und gut meynet / als die wort sargeben. Ja et-  
 wan arges wünschet / und zu ruck vffstrecken. Darum so  
 ist ein offentlich straff besser / dann heymliche fründtschafft.  
 Vnd eins fründts wunden bringet ein beständigen nutz /  
 aber die küß eines freunds verderben. Es ist in allen dingen  
 das Herß des redners anzusehen. Dann warlich vil besser  
 ist ein lesterer / der mit unwarheit die Oberkeyt zugegen  
 beladet / weder ein Fründ / der zu allem thun ja sagt / dann  
 diser gebhyret ein falsche sicherheyt ihrer Werck / yener aber  
 macht gewarsame vnd lutere Ougen / das ein Herrschafft  
 baß sich um sich sichtet vnd desier vffrechter handelt. Wie er-  
 lich ist es das ein Oberkeyt mit grossem gemüt gering ach-  
 tet / was wider sich geredt wirt / vnd nit yede sach vffs  
 argest vffnimpt. Vnd so gemeyner freyd vnd wolstand  
 der pollich ye haben will / das ein frevelen Menschen  
 ingetragen werde / das sölichs mit maß vnd dapfferer  
 fründtlichheyt geschehe / vnd mit warhafftigem sargeben /  
 das man meer geneigt sy / ein züül ruchen Menschen in der  
 straff zu linden dann ein stummenden hund / der zun la-  
 siren still schwygt / wie in der Prophet nennet.

Sölichs ziehen wir nit an / das uns gefalle grober  
 Lüt bochen und tragen. Aber die wyl die warheit byffet /

und allweg ir scherpfte hat / und ein armer Pfarier zu künfftigem unrath etwan begegnen muß / den andere noch nit fürsehen / und als zukünfftig glauben / so ist von nöten / das B. G. in annemmung der straff und unzytlicher warnung langmütig / und nit wie man sagt / zu kurz angebunden syen. Es syen dan das offentlich mit inleffe / ein falsch und ein böser will / da gehört billich straff zu. Darin ir ick wol werden wüssen zu halten. Wir handeln yehund fürnemlich von unser besserung / davon hienach folget.

Warin das volck fürnemlich zu ermanen  
und zu straffen sy.

Das 31. Capitel.

**S**An kan Christum nit leren on anzeng und straff der irthum und laster und ermanung zur erkantnuß und der frumkeit / so von warem Herzen kumpt / das im straffen und ermanen das fürnemst syn solle. Aber der ofwendigen Handel halb stett unser bedencken in disem puncten.

Das gehorsam gegen der Oberkent solle geprediget werden / und von zytlichem und geystlichem Regiment.

Das 32. Capitel.

**S**Um ersten / dietwyl die underthanen wider ir Oberkent / und die armen wider die Rychen von Natur offrärisch / ungehorsam / und widerwyllich sind / und



aber zwoytracht der Christliche Liebe gar entgegē ist/ welche Lieb die farb der Christi ist/ da by sy erkent/ und von der verderbtē Welt underscheydet werden/ so ist flyssig vffzesechen/ das ein zytlich Oberkent in iren werd/ wie sy Gdt ingesetzt/ gehalten/ und dem unverständigen volck ingeyhlet werde. Als die Götliche gwalts/ und zu fürchten ist/ ouch uns gewässens willen. Rom. 13. Dañ wiewol ein Christ gelassen und under geben ist aller Creatur/ denoch ist under der Apostel Kilchen dise irung ouch ingerissen/ das die frommen Lüt vermeinten/ diewyl ir Burgerschafft hymelsch wäre/ und sy kein blybend Statt vff erdtrich hetten/ sonder der künfftigen emsig erwartend/ so giengē sy nüt an/ was die zytlich Oberkeit sarneme/ und hetten nit in nüt zuschaffen/ welches ein zertrennung der Ordnung Gottes was/ die zwen Regiment under den Menschen faret. Das höher und grösser/ ist Geystlich und Hymelsch/ darinn Christus/ dem allein die eer zusat/ durch syn Geyst all ein Herr ist/ und von vssen dienen zu solchem die Dicner des Geiſſes/ und recht Christliche Prediger.

Das kleiner und geringer Regiment ist zytlich darinn unser G. H. und ander Oberkentē allenthalb/ von Gott sargeſetzt syn. Under beyde gehört der Christ/ syns gewässens halb/ under das Geystlich/ damit kein ander Creatur zeschaffen hat/ Gdt richtet es allein. Aber syns Lys und guts halb gehört er under das schwert/ und äusserlich verwaltung. Ein Christ ist ja Hymelsch/ aber nit gar/ so lang er die jrdisch inwonung/ den zerfürlichen Lys

harum her treget. Deshalb er irdischer Ordnung sich nit entziehen soll. Wiewol er vß söllicher täglich wachsen / und ye hymelscher werden soll. Dann ein Christ wachset vß der welt / und der Oberkent / durch die salbung Gottes / das ist / syn Herz und begirde hanget ir / und allem weltlichen thun ye lenger ye weniger an. Darzu sollen gebrucht werden Exempel / vorab vß Biblischen Historien / vß welchen offenbar / wie Gott gestrafft hat / ouch wider unbillliche König / die ungehorsamen / biß das die selbigen Gott selbst verworffen und abgesetzt hat. Das Exempel Davids gegen dem Saul / den Gott hette abgesetzt / und er / diemyl er König was / dennoch vereeret / und syn verschonet / ist wol zu bedencken.

### Von Zehenden vnd Zinsen wie sie zu geben und zu nemen.

**D**isem volget / das ordenlichen Zehenden man zugeben schuldig ist. Dann es ist ein iufferliche Ordnung / und der Liebe nit entgegen. Das vß der Histori Josephi klar ist / der das ganz Land Egypten zinsbar machet / das sy dem König von allen Gütern / den fünfften Theyl geben musten Welches wyter vß der Epistel zu den Römern am dreyzehenden Capitel zu erkleren ist / dann kein billicher zins syn mag weder zehenden / in dem beyde der gibt / und der nympt / vß den segen Gottes sechen müssen / und nemen und geben / / wie es gewachsen ist / zu glychem gewynn und glychem verlust.

Der zins halb wirt etwan nit maß gehalten / das stat einer Oberkent zu zebessern / darin sich die Pfar rer nit bald inlassen sollen / dann es nit ires fürnämsten amts ist / und mitbringet veränderung gemeynner Lands-Ordnung / welche on gut erfahrung und lange vor-

betrachtung wyser erfarnen Lüt nit ist fürzunehmen. Es wäre dann öffentlich umbilligkeit fürhanden/als man sichet/ in Korn und Wynn Zins an etlichen orten. Dazzu ermanen solle yeder Pfarzer/ so anders syne zuhörere solichs belangt/ das es nit unrecht ist/ umbillichs von jm zegeben. Aber das umbillich inzunehmen/ ist Sünd und wider Gott.

Dise cynig regel ist anzusehen/ das der liebe nach gehandelt werde/ und das yeder thue dem andern/das er von jm wölte in gleychem vall vergut/ und zu dank annehmen.

Da by solle wol onderscheiden werden/ das solche Handel/ wie auch kouffen und verkouffen syne Waar/und Hand Arbeit/ als wäben/ schuhmachen/und derglychen/ under die üsserlich Ordnung gehöret/und sollen alle der Liebe nach keltlicher maß regulieret werden/ und gehören nit under das luter und bloß Euangelium/welches allein die gwißsen belanget. Aber im waren Christum/das von innwendig selbs willig ist/ dem nechsten zu dienen/ da lybet man vß/ und verhofft nichts dagegen/ ja man besizet gar nit/ als eigenthumb. Darin solle yederman syne Geysts wol warnemen/ und nit vß Fleischlichem yfer handeln/ und von vßen hyngeben/ das er noch mit Herzen besizet/ Annas soll vorhin das Herz rumen/ dem seckel würt hienach wol rhat. Darinn die armen Töuffer gefalet/welche das üsserlich Regiment/ on ir wüssen abthun/ so vil an in ist/ und ein ander zwingen und nötigen/ huf/ hoff/ Wyb/ Kynd/ Vatter und Mutter zuverlassen/wider Gottes Ordnung/ der da will/ das wir syne beruffs erwarten/ und nit von uns selbs fürnehmen. Aber das wir syn Lieb allen dingen fürsetzen/ und dardurch Christum Jesum/on vßwendigen zwang annehmen/ der vß dem Herzen ins Werck flüßet/ und nit von vßen hynge wücket/ wie der Mosaisch Handel gsyn ist.

Das zu halten unser G. H. Mandat / wir er-  
manen / und fürnemlich die laster straffen sol-  
len / die by unser Gemeyn am höchsten  
in Übung synd.

Das 33. Capitel.

**D**ennach unser G. H. ein Reformation und aller-  
ley Mandaten und verbott haben vßgan lassen /  
Chrißlich zucht und sitten betreffen / sollen wir die  
Pfarier und Predicanten über denselbigen flyßig halten /  
mit anzeig der billigkeit sölicher Gebott und Verbott / und  
das sy die Eschrifft vorhin verbotten hat. Auch das by  
erbern Heyden der glychen laster nit gelitten worden. Als  
da syn Ebruch / huren / kupplen / zu und voll trincken / spi-  
len / fluchen / schweeren / und fürnemlich frembder Herr-  
schafft zu zlechen / umb gelts willen Kriegen / und helfen  
witwen und weysen zemachen / das wider alle vernunft  
und billichheit ist / und nye eerlich / ouch by den verdamten  
Heyden gehalten.


Auch sollen wir söliche Gebott zu beschützen ein D.  
berkeyt flyßig ermanen / und sy irs ampts und pflicht gegen  
Gott erinnern.

Fürter sollen wir die Pfarier bedencken unsers volcks  
gelegenheit und begyrde / und das selbig vff G<sup>o</sup>tte durch  
Christum mit unserm dienst understan zurichten / daß nit  
alle laster by yederman sind / und etwan verenderung der  
zyt / verenderung der sytten / und Sünden bringet. Wel-  
ches

ches vß täglicher bywohnung und besundrem ansprechen/  
der Psari Kind/ ein yeder lychtilich heit zuerlernen. Doch  
ist allenthalb zehandlen vom stand der Ee/ von Kinder  
zucht/von Brüderlicher straff/ und wider gemeynne laster/  
so allem fleisch anhangen/ als unräw/ nyd/ haß/ liegen  
und irlegen/ und was der glychen Werck der Finsternuß  
syn. Welcher puncten handlung yeden sollen wol bedacht/  
bekant/ und in dapfferer übung syn.

## Von zucht der Yugend vnd Glouben leer / oder dem Catechismo.

Das 34. Capitel.

 Jewill on groß mühe/ wol und recht gelert wirt /  
was man in der Yugend leret / und die abgenden  
Jar zu allen dingen vngeschickt syn. Doch gut ist/  
deß Herren ioch von Kindheyt an zetragen/vnd die wyl die  
Christen schuldig syn / ir Kinder sarnemlich dem Herren  
in sinen Tod vß zu opfferen / die sunst leider in welt-  
lich begyrde/ und under deß Tüffels gwalt vßwachsen /  
So ist von nöten/ das ein Catechismus und Gloubenleer  
angerichtet werde / darinn die eynfaltigen / und vorab die  
erwachsenen Kinder / Gdt leeren fürchten und lieben /  
durch Christum Jesum / und das nit mit wyt löufftigem  
anzug der Etschriffe / sunder vß dem gmeynen Apostel  
glouben / und dem Vatter unser / darvon allerley büchli  
vßgangen. Doch wer es am höchsten fruchtbar / das wir  
allein flyß ankerten/vß das Christus vorhyn vffgteng und  
lebte in unsern selbs Herzen/ so wurde vnser für gar bald



erhöhen / die zarten gemäßer der Kinder: sunst was vß den Büchern die vernunfft fasset/ und ander Lüt leret / ist und blybt ein Menschen handel/ so lang biß der Meister der Heilig Geyst selbs ins Werck kumpt/der schafft ernäwert/und widergebyrt zu dem Hymelschen/ ewigen Leben.

Es hat uns ouch von nöten angesehen/ das wir den gangen Christum / und den Handel Gottes vß dem Apostel Glouben verstan/und den eynfaltigen klar anzeigē mögen / wie das rechtschaffen gebet in den worten des Vatter unsers/ gang und gar/ ouch henter und wylduffig yngeschlossen ist/also das er alle Psalmen/und alle gebet der Väter / die ye gemacht sind / übertrifft.

## Von den zehen Gebotten.

Das 35. Capitel.

**S**nd wie wol in Jesu Christi Liden und Sterben / die Sünd lebhaftig erkent und geräwet wird / So ist dennoch gut und sarsendig/ das die Kind die zehen Gebott wyssen/ und die selbigen vßs Herz / von den Pfariern/in der Gloubenleer gedäret werden/ vß die wyse/ als der Herz in der Predig vß dem berg gethā hat. Matth. 5. 6. und 7. vß das die Zugent lerne mit Gott handeln / by und in jr selbs Herzen / die Gott krefftig anschouwet. Aber wolte Gott der Allmächtig / das die alten sich nit schämpfen in aller gelassenheit solche berichte und Gloubenleer/ mit und under den Kinden zu leren/ vß das wir

106

joch einmal rechte Christen wurden / und nit die sach mit  
blossen worten vßrichten.

Vom Glouben : Vatter unser : und den  
zehen Gebotten.

Das 36. Capitel.

**D**Er gang Glouben handel ist hepter verfasst in dise  
dry stück: In den Glouben/in das Vatter unser/und  
in die zehen Gebott. Der Gloub leret Gott und  
Christum/ und zenget an / wie die gnad und das Leben an-  
kumpf / vffwechsel/ und vollendet wirt. Das Vatter unser/  
ist das war Christlich gebet / und der Wasser krug oder  
eymer/ damit vß dem Brunnen der gnaden vß Jesu Chri-  
sto sölich gnad geschöpffe/und ins Herz gefasset wirt. Dañ  
wer blutet der erlanget / und on das gebett ist das anbie-  
ten der gnaden vergeblich. Das gebett schlisset vff / und er-  
wyttet das Herz / vff das es möge annemen und fassen  
die gnad. Aber die zehen Gebott/ synd ein üsserlich übung/  
da durch das Fleysch demütiget / und es syn Sünd desten  
baß bedenden/ und in gedechtnuß behalten mag. Welche  
doch in und vß Christo mässend vorhin verstanden wer-  
den / soll es anders ein nützlich erkantnuß der Sünden  
syn. Wer die Gebott bedenckt/ soll zugleich bedenden/ das  
der unschuldig Christus um solcher syner Sünd willen  
nach für Ordnung Gottes gestorben sy.

Also ist der leyen und Kind Bibel/ der Gloub / das  
Vatter unser/und die zehen Gebott. Darinn begriffen ist



erhöhen / die zarten gemäuer der Kinder: sunst was vß den Büchern die vernunfft fasset/ und ander Lât leret / ist und blybt ein Menschen handel/ so lang biß der Menster der Heilig Geyst selbs ins Werck kumpt/ der schaffe, ernähwert/ und widergebyret zu dem Hymelschen/ ewigen Leben.

Es hat uns ouch von nöten angesehen/ das wir den gangen Christum / und den Handel Gottes vß dem Apostel Glouben verstan/ und den eynfaltigen klar anzeigē mögen / wie das rechtschaffen gebet in den worten des Vatter unsers/ gang und gar/ ouch henter und wyeldufftig yngeschlossen ist/ also das er alle Psalmen/ und alle gebet der Väter / die ye gemacht sind / übertrifft.

## Von den zehen Gebotten.

### Das 35. Capitel.

**W**nd wie wol in Jesu Christi Lyden und Sterben / die Sünd lebhaftig erkent und geräwet wird / So ist dennoch gut und sarsendig/ das die Kind die zehen Gebott wyssen/ und die selbigen vßs Herz / von den Pfariern/ in der Gloubenleer gedäret werden/ vß die wyse/ als der Herz in der Predig vß dem berg gethā hat. Matth. 5. 6. und 7. vß das die Zugent lerne mit Gott handeln / by und in jr selbs Herzen / die Gott trefflig anschouwet. Aber wolte Gott der Allmächtig / das die alten sich nit schämpfen in aller gelassenheit solche berichte und Gloubenleer/ mit und under den Kinden zu leren/ vß das wir  
ioch

joch einmal rechte Christen wurden / und nit die sach mit  
blossen worten vfrichten.

Vom Glouben : Vatter unser : und den  
zehen Gebotten.

Das 36. Capitel.

**E**r gang Glouben handel ist hepter verfasst in dise  
dry stück: In den Glouben/in das Vatter unser/und  
in die zehen Gebott. Der Gloub leret Gott und  
Christum/ und zenget an / wie die gnad und das Leben an-  
kumpf / vffwechsel/und vollendet wirt. Das Vatter unser/  
ist das war Christlich gebet / und der Wasser trug oder  
eymer / damit vß dem Brunnen der gnaden vß Jesu Chri-  
sto söltich gnad geschöpfft/und ins Hertz gefasset wirt. Dañ  
wer blutet der erlanget / und on das gebett ist das anbie-  
ten der gnaden vergeblich. Das gebett schlisset vff / und er-  
wyitteret das Hertz / vff das es möge annemen und fassen  
die gnad. Aber die zehen Gebott / synd ein lüßerlich Übung/  
da durch das Fleisch demütiget / und es syn Sünd deßer  
baß bedenden/ und in gedechtnuß behalten mag. Welche  
doch in und vß Christo mäßend vorhin verstanden wer-  
den / soll es anders ein nützlich erkantnuß der Sünden  
syn. Wer die Gebott bedenckt / soll zuglich bedenden/ das  
der unschuldig Christus um solcher syner Sünd willen  
nach für Ordnung Gottes gestorben sy.

Also ist der leyen und Kind Bibel / der Gloub / das  
Vatter unser/und die zehen Gebott. Darinn begriffen ist

das ganz Christenthum. Dann die Sacrament / als  
 Touff vnd Nachmal / sampt dem wort der ermanung / die  
 wyl sy nüt thun / dann das sy der gläubigen seelen das ge-  
 heymnuß Gott im Menschen fürtragen vnd erinnern / ist  
 nit von nöten / das die Kinder vnd eynfaltigen damit be-  
 laden werden / dann so ferz sy inen dienen / disen eynigen  
 vnsern Christum zuverstän / welcher mit aller syner  
 Krafft vnd Würdung vffs süglichest in bedachten dryen  
 stücken vßgetruckt ist. Man macht sunst den Handel Got-  
 tes zuschwer / vnd beladen den mit zu vil worten / das  
 der frumm Ley daran verzwyfelt / und achtet im den zuver-  
 stan vnd zu leren vnmöglich syn. Da by wol zubedencken /  
 wie der Sun gar herrlichen bekennet / das sölich vnbegryf-  
 fliche gnad / der Welt wyßheit verborgen / vnd den gering  
 vnd klein verstendigen eröffnet ist. Darum sollen wir vns  
 den eynfaltigen gemäß vnd verstendlich machen / so ferz  
 nymer möglichen ist / vnd nit nütwe articel / vß eins yeden  
 erkantnuß machen.

### Vom leben vnd frummkent der Prediger vnd Pfarier / in der Gemeyn.

Das 37. Capitel.

**E**s ist noch war / das der Prophet sagt / wieder Prie-  
 ster / also ist das volck / vnd wie das volck ist / also ist  
 der Priester. Dann so Gott ein volck mit gnaden  
 meyhet / sendet er im frumme Propheten / vnd geträw / wy-  
 se vßtenler der geheymnuß Gottes / dardurch heyl wider-  
 fart

fart dem gangen volck. Darum das volck im selbs solle die  
 schuld zumassen/das es nit mit uns versehen ist/wie sy syn  
 solten. Auch wir haben uns gegen nyemants zubeklagen/  
 dann gegen uns selbs/das unser volck so ungezogen/halls-  
 starrig/ und der warheyt so ungehorsam ist/dann unser  
 Sünd verdienen das. Sunst sind allenthalb fruchtbare  
 Herzen zu bringen die gerechtigkeit Gottes/ so nun wir  
 flüssig ackerlät und Gottesgehülffen weren. Desßhalb ein  
 neden wol warzenemen/das er an im hab die eygenscha-  
 ten/ so Gott do in Richtern under Moyses erfordert: näm-  
 lich das sy wyß/verstendig/ und in den stemmen bekant syn  
 sollē/dapffer und hantliche männer/Gottesfürchtige/Lieb-  
 haber der warheyt/ und fiend des ghyß. Dese gaben und  
 gnaden sollen in uns ouch erschnen. Dann wie jene im  
 zñlichen/ also syn wir im hymelschen ryck Gottes/ diener  
 der Gemeynnden/ vff das unser warheyt in Christo nit ge-  
 ringer sy/wann yhener schatten und fürbild under Moyses  
 gsin ist. Wir meinen aber die wyßheit und verstand/ der vß  
 dem Grätz Christi fließet/und sölich kundschaft und gunst  
 der gläubigen/ die nit vß Blut und Fleisch/sunder vß desß  
 Geyßts fruchten und Wercken der Lieb erlanget wirt.  
 Dann Paulus kennet niemants meer nach dem Fleisch.  
 Welches ouch by uns und unsren Gemeynnden syn solle/die  
 nit sollend Fleischlich gesynnet syn. So siche man nit  
 vff tånheyt/ von Hand und Mund/sunder vff bestendig  
 gedult/ und thätliche Liebe/ so vß ein ungefärbten Blou-  
 ben kumpt. Welcher Christum die warheit selbs mitbrin-

get/ und vßschlisset allen gnet/ ja alle begyrden des Her-  
pens. Dahin uns ouch Petrus ermanet. Wendend die  
herd vß geneigten gemüt/nit als die herrschend über das er-  
be/ sunder werdend fürbild der herde/ 1. Petr. 5. Des sich  
Paulus gehalten/ und vß sich/ als ein fürbild/ und ein  
gut Exempel/ so wylt Er Christo volget/gewynnen hatt. Vß  
soiche unser Exempel zu sechen/solle das volck ermanet wer-  
den/ wa wir anders Leer und Werck/ item Herz/ Mund/  
und Hand glych füren. Welches noch zur zyt uns leyder  
nit allzubil gezympt/ sytenmal wir noch selbs nit am  
höchsten/ in Geistlichen händeln und Christlichen Wer-  
cken erfahren syn. Aber unser Exempel würt besserlich syn/  
wann wir unsern ampt in der Kilchen wol vorsyn/ und by  
uns und unserm hußgesynd züchtig/ frum/ und erbar be-  
funden werden.

Zum ersten wollen wir vom unserm ampt handeln/  
wie volget.

## Wie die Pfarzer studieren und die Geschrifft lesen sollen.

Das 37. Capitel.

**D**iewyl die Heiligen Geschrifft wyß machet zur se-  
ligkheit durch den Glouben in Christo Jesu/ Denn  
alle Geschrifft von Gott yngeben/ist nüt zur leer/  
zur straff/ zur besserung/ zur züchtigung in der gerechtig-  
keit/ das ein Mensch Gottes sy on mangel/ zu allem gu-  
tem Werck geschikt: so würt von nöten angesehen/ das  
wir

wir dieselbigen zu lesen ernstlich obliegen / mit diser Ordnung / das wir am gebett ansachen vor und ee wir die Bibel zu hand nemen / welches gebett warhafftig und geistlich syn solle. Dises gebett des Geists hat dise art / das der Heilig Geist den better trybt anfangs vß grosser Lieb Gott zu danken / um empfangen wolthat / darvß ein Trost und starcker Gloub erwachset / hienach tringet er zubitten / das der Herr farter die noth / mangel / und unwisshent hyn nemen wölle / so uns zugegen freuenlich trucken / vßdem ein begyrd und ynbrunst entstat / welches der Herr nennet hunger und durst zu der gerechtigkeit / dero allweg volget die ersettigung und warhafftig seligkeit. Also ligt am tag / das das gebett ein vßklärung und vorbereitung des Hergens ist / das er möge den synn und rhat Gottes / der im Buchstaben verborgen ligt / fassen und behalten / sunst pflegt man on andacht die Heilig Geschrifft / wie ein weltlich Histori zulesen / und die vernunft darinn allein zu üben. Darum gehyret es nit anders / dann ein vßgeblasen Fleischlich wisshent / die hienach als vß Gott und dem wort Gottes / der armen Gmeyn vßgered wirt. Darum wol geredt ist in der Epistel Jacobi. Hat nemants under ouch sal an der wisshent / der bitte von Gott / der da gibt einfaltigklich ic. Jacobi primo.

Wann eins bußfertigen / dürstigen Hergens gebett beschehen / so soll das buch vßgethan / und verlesen werden / als Gottes Wort / wie es warlich ist / und nit als Menschen wort / mit beharung vorliger begyrde des ge-

bets/ so lang biß befunden wirt etwas Göttilchs verstands von oben herab ynfließend / in welchem anzunehmen der Leser mit soll angebunden syn / und stracks gedenden / das in im der Heilig Geist zu syner straff und besserung rede / das ist / der Leser soll fry außgescheyden alle Creaturen / zwischen im und Gott allein handeln / mit blossen und ergebnem gemüt / und nit achten / was er dem volck sagen / sunder wteer selbs von Gott wyter liecht und erkantnuß bekommen möge.

Da muß im selbs der Läser entgegen halten andere ort der Eschrifft / sampt syner vorigen ersarung des gloubens / so sym gegenwertigen verstande als zu wider / möchten angesehen werden / und bitten um verglychung der selben / und vff solcher übung beharlich zehstan / biß die warheit der selbtigen Eschrifft gar ins Hertz lüchtet / vff das ein gelassen dancksagung volge / und flüssig betrachtung der empfangenen erkantnuß.

Demnach sind die Bücher und Commentarlen / so zu unsern ziten / und hievor Geschriben zu hand zenemern und gegen unserm erlangten verstand zu verglychen. So mögen sy cum iudicio, mit verstand und besserung recht gelesen werden. Ach was fröud ist es / so jemandt befindet / das im Gott ouch etwas geben / dem ander Lät gaben zu stymmen / oder vllticht andere noch nit erlanget haben? da von er sich nit übernimpt / sytenmal ers um Gott erbetten hat / und wol weyß was folget / so er in äppige eergnütigkeit. Du h ist gut das jeders gedanken verzeychnet / und  
me



mit nachgendem verglichen werden. Dann es muß im weg Gottes tanner für gestritten syn / zu dem das die gedechtnuß blöð ist / uns gut ist / was hienach fürfelle / davon et was im vorthat zehaben / welche übung unsere Herzen Gott dem Herren zu einer Kistkammer macht. Darinn verborgen blyben söliche geistliche waffen / wider die listigen ansechtung des Tüffels.

Das man die Gschriffte fründlich mit einander verglychen solle.

Das 38. Capitel.

**D**A zu were hoch dienstlich / das wir willig und bereit weren zu conferieren und mit ein andern zuverglychen die Gschriffte / und unsern verstand / Vorab ein jeder mit synnen Nachpuren / der ouch Gotsfürchtig und begirig were / wider erkennuß unsers Herren Jesu Christi zuerlangen. Solcher art solten all unser rede und fründlich gesprech gegen allen Menschen syn / als deren dem Gottes eer / und das Reich Christi am höchsten angelegen. Das by den alten gebrucht / und anfangs des Euangeliums diser zyt / wir selbs gar geßiffen / gehalten / wir disputierten mit jederman von unserm Euangelio / wider den Papst. Doch ist wol warzenemen / das wir nit beißig und zornmätig syn / noch halsstarrig / und die ir eigen vorgefaßte meynung bestritten / und erhalten wölle. Dañ wer by ein andern etwas Christi / und syner gaben befindet / sy sye wie klein sy wölle / der solle darum Gott dancksagen / und

überlisch faren/ das er solicher gaben her für helffe/ und die  
geister nützlichlöschten/ dadurch kumpt ein gelassener Herz zu  
grosser erfahrung Göttlicher Werck. Auch dienen sö-  
lich gesprech darzu/ das wir desten geschickter werden/  
mit unsern underthanen/ und den wider sprächeren zu  
handeln/welches gar off andere wiß beschicht von Kindern  
Gottes/ weder Blut und Fleisch in zytlichen handeln ir  
wider sacher pflege um zu stossen.

## Wie die Predig bedacht werden soll.

Das 39. Capitel.

**W**ann man predigen will/ pfleget man geschrib-  
ene Predigen oder Commentarien zulesen/ und  
offt zu wachen/das gnug syn mag/ein stund zu ver-  
tryben/ vnd wird wenig acht genomen/was off buwe zu die-  
ser zyt gegen würtige Kilchen oder nit. Dannen her ist das  
man so wenig bestendigs für Gott vfrichtet. Daroff wir  
ein andern ermanen/ und gern darzu ein ander fürdern  
sollen und wölle/ das ein jeder selbs die Eschrifte meditet/  
und selbs vspreche/ im zur besserung/ wie gesagt/ und druff  
ansehe gestalt syner Kilchen/ dero nach er syn verstand  
lencken soll/ und etwan nit den zechenden theyl sagen/ de-  
ren dingen/ die im Gott by solchem Text der Eschrifte ge-  
ben hat. Dañ alle ding sollen beschehen zur besserung der  
Gemeyn/ und gilt nit hie syn kunst oder geist zuerzeigen/  
diewyl wir mit gangem Herzen Gottes eer im heyl der  
Kil.

Kilchen durch Christum suchen sollen/ und sunst nit anders.

Also wirt nit von nöten myelouffig regel fürgeschriben/ die warheit selbs statt in den Herzen/ und die Liebe Gottes teylet dieselbe vß. Nie würde niemants Fleisch verschonet/und nyemant mit bitterkeit on vrsach gehönet/ das gegenwürtig volck erbuwen/die vssen syn Gott befolgen/ und nit angericht so vil zands/ als leyder sekund etwan beschehen mag/davon hievor wyter geredt ist/ Gott welle es by uns allen bessern / Amen.

## Weltlich Bücher mit maß zu lesen.

Das 40. Capitel.

**N**och mögen weltlich Bücher/ als nämlich Historien/ ouch gelesen werden/ mit gutem underschend und vrent/und sölicher meynung/ das sy zur übung der vernunft/ und anzeig des Fleisches art/ dienen/ aber sarnemlich weder zu unser selbs Herßlicher besserung nach zu sarnstand der Gemeyn dienen sy. Darum vß dem Geiße Christi/ und Göttlicher Geschripte alle Leer/ ermanung/straff und besserung genommen werden soll/ wie wol sarnfallen mag/ das etwan mit kurzen Worten/ ein Herdonische Histori möche für der Emeyn angezogen werden/ das wir nit abschlagen/und verhoffen das jeder bedenden werde/das er der geheimnuß Christi hußhalter/ und syns Geiße diener sye/ und meer gebruch die Geißlich/ weder fleischlich Geschripte. Wie wol leyder die Pfarret im Land

nit all zu vil flyssig syn/ doch haben wir dise warnung nit  
on vrsach angesehen.

## Wie die Predigen geschehen sollen.

**D**ie Predig soll abgon / mit grosser Hergligkeit vnd yn-  
brünstiger Liebe gegen unsern zuhörern/ zur besserung und  
Vffbauung an Gott. Solliche findet statt by frummen.  
Dann also hören die schaff Christi die stimm ires Herzen/ deß wa-  
ren herten/ den erkennen sy/ dem folgen synach/ so sunst die süß-  
sen Herzen mit grober vnwürsche verbitteret / und verwüflet/  
und von unser Predig nun nydisch / hässig / vfftürisch / und  
schädhafftig Lüt werden/ darinn doch nit zu rhümen/ sunder hoch  
verworfen wirt/ das etlich nit wöllen den fuchß byssen / und mit  
flyß reden / daß man gern höret / meer weder das vffbauet/ den  
gehöret diser spruch zu. Wann ich den Menschen zugefallen be-  
gert/ wäre ich nit Christi Diener.

## Das man alle Tag Predig halten soll.

Das 41. Capitel.

**E**nnach unser G. Herren in der Reformation ge-  
botten/ das yeder Pfarier am Sunntag/ Mantag/  
Mittwoch/ und Frytag predigen solle/ und wir uns  
etwan entschuldiget haben/ das wir nit zuhörere abertom-  
men mögen/ ist für gut angesehen/ das sich yeder/ so vil im-  
mer mögliches bearbeiten solle/ das er gedachte Predig  
tag halten möge/ obschon nit meer dann eins oder zwey  
Menschen zuhörten/ wie sich der Herr nit beschwert hat  
mit dem eynigen Samaritischen wyblin / by dem Brun-  
nen

nen zureden/was soll beschweren ein Dleiner Christi / von  
 sym Herren im zu eeren zereden / ouch mit geringsten Per-  
 sonen vfferdrich. Diewyl by Gott kein ansehen ist der  
 Person / und ein gläubige seel by Gott besser ist/ dann alle  
 welt. Es möchte ouch sollich red am Wercktag nit vff dem  
 Gangel/ sunder hie niden/ beschehen/und vffs einfaltigest.  
 Das wirs aber so gern underlassen/ zehge an/wie gar we-  
 nig uns Gottes eer angelegen ist/oder das wir vff den grös-  
 seren huffen meer/ dann vff das klein hüfflin / und vff die  
 frummen Herzen sehen. Den wir ymmer solten begeren  
 fürzuhelffen. Da neben sind vil Brüder den gefellet alle  
 Tag zu predigen / welches flyß wir rāmen/ dann er eins  
 guten yfers anzeng ist.

D uch syn vil Pfarier/ die meer dörffer dann eins ha-  
 ben under jr Kilchen/ da wäre ye hoch von nöten/ das dem  
 Armen volck in andern dörffern in der wuchen geprediget  
 wurde/ und etwan am Sontag einer zwo Predigen thā-  
 te/ davon in Capiteln zehandlen ist / dann nit alle gelegen-  
 heit glych ist/doch soll nyemant verhindern mögen ein ge-  
 flyßnen Pfarier/an synem ampt/sytenmal den irrenden zu  
 berichten ein yeder Christi / vorab die Pfarier schuldig syn.  
 Vnd wir gewyß syn/was frucht es bringt/ sich mit Her-  
 zen / und gebetten zu eim frummen / Lieben / einfaltigen  
 Menschen zethun/ und im syn Heyl durch Christum an-  
 zeygen. Das sunst leyder in syner untwissenheit verdyrbet/  
 und syn Blut wirt von den hānden des Pfariers erfordert

werden / als ein falscher hirt / das beinbrüchig vich nit verbindet.

Das man besunderlich die Vnderthanen ansprechen soll.

Das 42. Capitel.

**D**iewyl wir schuldig syn / nit zu vnderlassen / vff das wir Gott das volck gar zu füren / ist nit gnug das wir in der Pfarz Kilchen offentlich predigen / oder in alle Dörffern / so nach gebruch uns befolhen: sunder wir sollen ouch von huß zu huß unser underthanen flyssig / so vil mäglichen / eynnglingen berichten des wegs der seligkeit / vnd in verkünden die buß / wie vnser vorsaren die Apostel gethan haben. Dann besunder berichte vil baß zu Hergen gat weder das / das offentlich zu jederman geredt wirt.

Von heimsuchen der Kranken.

Das 43. Capitel.

**E**s ist das sarnemst ampt / die betrübten zu trösten. Darum wir Pfarier vnd Seelsorger / zu Statt vnd Land allen flyß alle ankeren sollen / vff das wir zu den franden kommen mögen / diewyl sy noch guter vernunfft vnd vermögenlich syn / vnd nit warten / biß sy an den letzten zügen ligen. Vnd solle dise Ordnung in der ermanung by den franden gehalten werden / das wir erslich die franden Göttlicher gnad erinnern durch Christum / welcher by den synen in nöthen ist / vnd syn will / vnd anzügen wie die waren Christen der zukunfft ires Herren / vnd vffs-  
sung

sung oder beruff vß diser zyt ernstlich erwarten. Wa sy das by inen nit befinden/ sollen sy tröstet werden / und gewysen vff die buß das sy in solchen leren jr eigen Lieb vnd schwache des gloubens zeerkennen/vnd bitten den Herren/ vmb merung des gloubens/ da mit sy nit vff ein falsch ver-  
truwen gewysen werden/von vns die da zügen der warheit Gottes syn sollen.

Demnach sind die vmsiänder zu ermanen / das sy in desß franden schmerzen und geferden ire gefertigheyt ouch bedenden/vnd Gott ouch in der warheit fürchten/Syten-  
mal alles fleischlich vertruwen gang vnd gar ytel vnd vngewiß ist/ das sy bedenden/ was trost es sye in solchen nö-  
ten/ ein gnädigen Gott/vnd Christum den Sun Gottes/ für syn verädiger vnd fürsprechen zehaben / den wir durch buß vnd besserung vnsers Lebens/vnd ein waren Glouben an Christum erlangen/ das ouch vil übereylet werden / die sich desß Brütigams versumen / mit den thorechten jung-  
frouwen zc. Hienach soll man zu gleich nider knäwen/ und dem franden umb gnad bitten / und in siner not / ouch für unser gegenwärtigs und zukünfftigs übel / um byständig gnad ernstlich bitten. Es ist ouch gut / das etlich Eschrif-  
ten vom lyden und vfferständnuß Christ vß Paulo / oder Evangelisten/ und anderer Apostilen gelesen/ und Lebhafftig erkläret werden zc.

Dise handlung ist oft nützer weder zehen Predi-  
gen/die in der Gemeyn beschehen/ on sunder vffmerckung der zuhörers/sytenmal die not sy alle belanget/ und sy alle



des trosts begnüg syn/den man neuen gwißer findet/ welcher im Herren Jesu Christo/nach dem man an aller zwicklichen hilff verzweifelt hat.

Bisshar vom ampte der Seelforger / wie sy dem selbigen sollen vorsyn.

Vom leben der Pfarzer gegen sich selbst / und irem hußgesynd.

Das 44. Capittel.

**W**er das gebott thut und leret / der wirt groß helfen im Hymelrich / dann nit hörere / sunder thäter des gfaßs sind für gerecht geachtet / das gegen teyl ist by den Phartseern/die reden wol recht von Mose/ und laden vff die Smeyn grosse bürden / aber sy rüren sie nit an mit dem kleinsten Finger/das ser: von uns nachfolgern der Aposteln syn solle. Sunder diewyl wir das Gräß Christi predigen/so sollen wir in unserem tödlichen leben / den Tod Christi herumher tragen/ und durch ein himelsch leben / die vfferständnuß Christi/ mit Krafft bewysen/ welcher zügen wir syn sollen/ und aber nit syn. wa wir unsern grund legē in dise Welt/ als andere die nit anders dann fleischlich gesinnēt syn. Wir sollen unser wonung im Hymel haben/ als die mit Christo vffgestanden syn / dadurch wir unser gemeinden bewegen/ das sy flüssig nachgedencken / den dingen/die warhafftig/redlich/ gerecht/ klisch/ lieblich und loblich syn/ welches sy von uns lernen/ empfangen/hören/ und an uns sehen sollen/dann werden wir mit freuden für den rich.

richterfüß/ vnd Christum vnsern Herren kommen/ vnd  
 vnserß ampts/an sinem Tag/thum haben mögen/ des hat  
 der Heilig Paulus wol gedacht/ vnd sym Jünger Timo-  
 theo vorgeschriben/ was er für Lüt zu Bischoffen/ das ist/  
 Pfarieren machen solte.

Es soll/spricht er/ ein Bischoff/ vnser äfflich sin/nun  
 eins Wybs Mann/nächter/züchtig/zierlicher sitten/gast-  
 fry/Leerhafftig/nit win süchtig/nit schlagender zungen/nit  
 schencklichß gewynß begyrig/sunder eins billichen/vnd lin-  
 den farnemens/nit frytig/nit gnytig/der sinem eignem huß  
 wol fürstand/der gehorsame Kinder hab/mit aller dapf-  
 fertit. Etlich diser worten wollen wir bedenden/vnd er-  
 wegen/die äbrigem ein jeden wyters anzusehen befolhen  
 haben.

Vnstrefflich: Vnser wandel soll eerbarlich syn/in  
 gan/ stan/thun/vnd lassen/worten vnd werden/darinn  
 aller guter schyn ingeschlossen. Will vns deshalb für gut  
 ansehen/das wir wol die Emeind nit verachten. Aber  
 dennoch eerlich bekleidet syn/ und zwischen ein meßger  
 knecht/vnd Fürstender des worts/in kleidung ein vnder-  
 schend sy/ dann solich liechtfertigkeit/ein gering liechtfert-  
 it gemäit anzeigt. Vnser Herren verbieten zerhüwne Klei-  
 der/ so aber die Pfarier die ein Exempel sollen syn/haben  
 die liechtfertigsten Kleider die syn mögen/wie kan solichß  
 vnstrefflich syn? Nie sagen wir das vns darum Phari-  
 sensch glyßnery gefalle/ aber das mittel ist recht vnd ge-  
 trawlich anzenemen.

Eins Wybs Mann. Er will da mit ein küssch und rein gemüt anzeigen/er sy in der Ee/ oder nit. Dañ er sieht vff den bruch der Juden/ die hatten der zyt meer dann ein Gewyb. Welches ein schin bracht eins vnküsschen gemüts/ und sonst vil mühe und arbeit anhangen hett. Dann die in der Eesyn/ haben vil trübsal durchs Fleisch/ doch ein Wyb Paulus dem Bischff nit abschlacht. Das aber gehört zur hußeer/ und vff die sorg der Welt/ oder wie er der frouwen gefalle/ so er ein schwester hat/ die zuglych der zukunfft unsers Herren Jesu Christi erwartet/ nit zusallet. Aber nun eins Wybs Mann soll er syn/ vff das er ein küsschen wandel hab. Nun wüssen wir nit anders von ein ander/ dann das der vßwendigen that halb/ under uns kein mangel sy. Aber wir haben wol zu bedenden/ wie ungeschaffen und übel es uns anstat/ lichtsertig scherztädig/ und unverschampte reden zu triben. Oder ioch darby syn/ das ander mit solchen schandreden/ als von Hurn/ ebruch oder Jungfrouwen schwächen/ sich beglätzen. Dañ es ein willigung ist zum argen/ das schwerer ist weder die that an jr selbs. Wie mag dann des Heylgen worts ansehen groß syn/ so wir etwan so lichte und lyederliche reden triben/ oder mit lachendem mund von andren gern hören?

Nächster sollen wir syn. Dann was ansiehens hett es/ so wir in den wyrtshäusern mit lyederlichem volck zu vnzeyten sassen hinter den Byn/ als ob unser ampt nüt wäre/ dann essen und trincken.

Doch ist unser sarnemen nit wyter von denen dingen  
zu

zu handeln. Da Christ Crüz in das Herz kumpt/ da wirt dem übrigen allen bald Rath/ vff welches fürnämlich zu sehen ist/ und hie zwüschen ist von allen groben lasten fast abzustan/ biß wir wyter hinzu/ in die höhren geistlichen händel kommen mögend/ die mit bringen alle zucht und tugenden/ da hin diser ganger Synodus gerichtet ist. Gott geb gnad das wir im nachkommen mögen/ Amen.

Da mit wir nun by sölicher Christenlicher übung blyben mögen/ Soll alle Jar vff den Montag ein Synodus aller Pfarier von Statt und Land/ gehalten werden/ in dem man ouch gedachten inhalt sölle erfrischen. Zu dem so wollen wir zwey Capitel jährllich haltē: so fer: söchs unseren G. H. gefallen will/ und glycher maß das handeln/das dann zur vffburung unsers/ und der Gemeynden/ dienet/ wie dann wir uns mit unseren G. H. wyter bedencken und entschliessen werden. Aber zu end bitten wir/ Der Allmächtig Gott wölle uns behüten/ und meeren das/ das er uns dise sächs Tag so gnädiglich mitgeteylt hat/ vff das/ das unser übrig Leben gang gerichtet werde zu synen eeren und besserung der armen Gemeinden.

Diser Synodus hat am nändten Tag Januarij anfangen/ und sich geendet am vierzehenden dises, 1532. Jars.









